



附錄卷第一

傳記

明史本傳

吳應箕字次尾貴池人善今古文意氣橫厲一世阮大鍼以附璫削籍僑居南京聯絡南北附璫失職諸人劫持當道應箕與無錫顧杲桐城左國材蕪湖沈士柱餘姚黃宗羲長州楊廷樞等為留都防亂公揭討之列名者百四十餘人皆復社諸生也後大鍼得志謀殺周鑣應箕獨入獄護視大鍼聞急遣騎捕之箕夜亡去南都不守起兵應金聲敗走山中被獲慷慨就死

溫睿臨南疆繹史本傳

吳應箕字次尾號樓山貴池人善今古文辭意氣橫厲一世復社領袖也崇禎壬午以鄉試副榜貢入京公卿以下咸加禮異視其臧否為榮辱先阮大鍼在南都應箕集諸名士出

妙四十八 附一傳記 魏石

一

防亂公揭譟逐之大鍼弗敢較然憤甚欲得而甘心焉後周鑣下獄應箕入視大鍼急捕之乃乘夜亡命去左兵南下獄始解南都不守起義旅應金聲攻池州復建德東流數縣大兵逼戰潰匿婺源源祁門界被獲不屈將戮之市應箕曰此非死所至松林曰可矣一卒以刀擬之叱曰吾頭豈汝可斷邪乃伸頸謂總兵黃某曰以此煩公然毋去吾冠將以見先朝於地下也其就刑處至今血跡猶存酒之不去

劉城吳次尾先生傳

吳次尾者名應箕始字風之其後更字而名日益高所點定經義天下士子誦習之故稱次尾先生甚著次尾世貴池興孝鄉人父某隱者家故習儒然鄉之人知舉子藝耳次尾少即徹洽詩古文詞時時口李何王李也鄉之人視郡邑已闊遠絕不達國事次尾則喜游通都開鉤致京朝興罷朋黨始



末具曉之鄉人好曲謹拱揖問答咸有尺寸次尾獨輕脫率己意入春鞞曲脆而或踞坐自若或解鞞繫爬搔也又高言指斥辭氣湧射屈一座人人指目狂生率辟去以是數者聲日以起亦用以敗當崇禎初元三吳中創為復社財十餘人耳不佞城與次尾實共之十餘人者尚名誼擯逆節同而次尾好譏訶特甚又其後社亦不無濫觴也僉人切齒謀相傾勢及次尾賴學使蔡公葉公金公輩皆國士之不及禍然次尾四顧儕偶人材下中居恆無一差強人意者咸竊科第去而已顧旅進諸生中也愈憤排悃怒又見國事日棘中外大小臣碌碌取充位無一能辦者既摩切慝詆之遂好奇計畫策門雜進武夫介士身鈞奇度務不復經生自處言當世事益急動止益自抗視鄉里中蔑如也怨家用是益深相嗾使持挺刃來欲殺之不可得火其居以去次尾亦恨甚會世變

妙四十八 附一傳記

二

南土陸沈忠義者起恢復次尾曰吾有以自見矣署謝詩於壁曰韓亡子房奮秦帝魯連取帥義兒門徒糾合拳勇與其曹攻郡城不克同事者遁己獨募士治眾以計連復建德東流縣聲甚振時歙州金聲首倡義舉奉隆武朔擢都御史得承制專拜牒次尾署池州推官監紀軍事且云將晉道臣秩也次尾勢始張而金先中閒敗頗失援乃益勵有死之心矣身練卒深山飛檄郡治語皆醜詆多恨且愧者鄉人怨家咸為耳目偵聞百輩戰敗遂不得脫既被執不屈與兵官偕輒先踞上坐自稱必曰本道兵官亦敬重之不加害未至郡十餘里有必欲殺之者馳諭指乃以卒來捧次尾叱曰吾不死於卒手爾官自持刃且巾幘漢服也吾不去此不得無禮我兵官從其言以頭入郭門如生歷三日色不變人異之次尾雖貢高慢世願善獎誘人才一端之美揚之過量士嘗由以



得名族子皆其成就者余遣子鑿師之得其指授為多黑面紫髯目光奕奕射人性喜聲伎娛樂不肯一日鬱鬱作窮悴狀云子二次尾死時長孟堅十一歲次稱圭十歲所著樓山堂集若干卷行於世

論曰今天下知有敝邑則以次尾與子哉予自顧不敢當次尾也方其矜己藐物不謂非過其舉事疏脫亦嘗有所規要其人材求之今日可再得哉景毅沒齒於元禮王成刻志於子堅至痛在心銜焉莫解悲夫

吳山嘉復杜姓氏吳應箕傳略

吳應箕字次尾善今古文意氣橫厲一世阮大鍼以附璫削籍僑居南京聯絡南北附璫失職諸人劫持當道應箕與顧景等為留都防亂公揭討之十五年以鄉試副榜貢入京公卿咸加禮異後大鍼得志謀殺周應箕獨入獄護視大鍼

妙四十八 附一傳記

三

聞急遣騎捕之應箕亡去南都不守起兵應金聲敗走山中被獲慷慨就死 國朝乾隆四十一年 賜諡忠節

汪有典史外吳副榜傳

公諱應箕字次尾號樓山貴池人崇禎壬午副榜乙酉 王

師下金陵謀起兵被執不屈死如皋冒襄為之序曰嗟乎予讀樓山先生遺詩及子班北歸手奉史傳歎啟禎之際文章朋友何其鴻昌俊偉極一時金石膠漆之剛堅又致歎四海一堂同聲合志相與憂憤激烈慷慨悲傷以致於殺身成仁不待傳檄號召如虎符合也嗟乎海嶽精靈文章星鳳不必待時而駕咸直昌時一代醞釀三百年培養氣運雖盡而黼黻日月之光兼總英雄之略者受命挺生雷策雷驅金戈鐵馬畢命遂志以身家殉君國不辭膏斧甘心斬絕此唐宋以來所無而吾黨學問氣節數十年輪困離奇鬱蒸所致不可



誣也猶憶當年聲氣千里命駕風雨不渝晤對雖不以時不以地然三年應制會獵舊京十五國人文畢集南雍之勝踰于北而諸生以禮相見或珠槃玉敦推執牛耳會者咸千百人或某月某日甲與乙刑牲而盟告之天地父母倚蓋終身砥礪期許大江以上為吳樓山劉伯宗貴也大江以下為揚維斗廷桓張天如溥而維揚上下之閒絡繹八省郵合吳楚則予與鄭超宗元勳揚州梁湛于淡以至揚州以影園為都會樓山之為人卓犖淹通豪傑負大志一貧諸生揮金帛娛聲色好面折人過與公卿大夫辨論是非得失赴人患難緩急如不及至于經史證據國家關係時勢安危方輿形勝以及兵賊戰守攻擊之成敗無不抵掌而談掀髯長嘯唾罵痛哭而後已予與樓山交在癸酉夏一見莫逆時先大夫課予考功署下第遂別至丙子館樓山而受業則吏部許琴公焉同予與劉

妙四十八附一傳記

四

伯宗沈眉生壽民陳則梁海鹽張公亮明珥呂霖生光龍劉

魚仲履丁張芑山袁川顧子方無錫侯雍瞻嘉定方密之智

城之州孫克咸相城沈崑銅土柱陳百史名夏麻孟璇三衢梅惠

連府城萬年少書棋州劉湘客陝西周勒名陽麻孟璇三衢梅惠

顧偉南開雍徐閣公華亭宋子建存標陸子元慶曾諸君數

為大會姚北若嘉興國門廣業其一也雲閒夏彝仲華亭年

伯李存吾待問陳臥子華亭以公車不至乙亥留都防亂揭

出倡之者樓山子方陳定生貞慧而一百四十餘人誓驅逆

黨逆黨者懷甯也阮大魏忠節公嘉善死懷甯子忠節中子

魏子一學源刺血上書請斂始定城旦丙子子一以蔭入南

雍懷甯欲甘心焉予大開桃葉寓館挾子一大會死事同難

諸孤兒為左子正國棟子直國林子忠國柱子厚國材繆采

室虛白周子潔茂藻子佩茂蘭周長生廷祚顧玉書麟生高

江陰吳縣



永清忠憲孫黃太冲宗義李膺公遜之同子一共十三人陳

則梁長歌末句有獨恨楊家少一人以應山公子不至為恨

觀者如堵子一出血書疏稿及孝經共展詩畫淋漓齊聲痛

罵懷甯意沮樓山大快益重子為防亂驅逆後勁又與諸君

共佐吾師吳橋范大司馬景文送茅止生湖州父子勤王時

芑山僑寓生子貧甚共釀金會湯餅至數百金芑山峻謝當

時友生咸集勵經濟修名節嚴取與如此豈復以區區功名

勢利為念哉閱歲丁丑過梁谿陽羨子與樓山子方定生重

定心交樓山子方合刻倡和詩己卯夏雪苑侯朝宗方城來

南雍朝宗甫踰二十雄才灑氣披萬金結客首與樓山定生

勒旨芑山密之梅朗三朗中惠連姜如須萊城錢開少邦芑

及予相見執贄殊隆定生攜髮覆眉之才子陳其年維來

負笈樓山門下維時杯酒論文江山生色父子師友松柏芑

蘭而公亮捷丁丑令揭陽伯宗魚仲以薦舉出眉生疏論武

陵不報還里咸不至一日樓山責予不援同郡湯薦元廷疏

之難予既未與湯相見又不敢忤父執賢者適衰臨侯宜咸

先生出獄特擢兵憲揚州樓山相過數言袁公語學使免褫

革送入闈樓山之為友又如此時年伯周仲馭金檀以謝喪

來南都樓山諸君左右之日于高座寺收門生五百餘人予

在寓有所商不合去樓山不以為忤也是科密之售朝宗擬

第三下第辛巳半歲先君由粵調衡永又調南破之襄陽監

寧南軍予往返萬里上書萬言得救先君子二百萬贖賊三

十萬騎兵中皆同志力是年密之聯捷尊先生孔焯以楚撫

逮下獄陳子育杏稷尊先生撫偏沅護荆藩困賊中與予同

予于苦辛密之子育兩不得當也壬午夏秋予從方孩未先

妙四十八 附一傳記

五

附錄一

震孺楊機部廷麟江錢殷求朝彥魚仲程皇士濟士孟長人



應春和洗心詩送黃石齋先生道周成五溪同魚仲蔡懷直

金陵拈据行李送吾師范大司馬內召時樓山罵石齋先生

閣人于淨海寺于司馬多所條陳又同樓山子一季子建標

興看懷甯燕子箋于魚仲河房復大罵懷甯竟夜多側目樓

山者惟予知樓山五嶽在胸觸目駭心事與境忤潦倒拂逆

或奮袖激昂或戰髯大噓臥鄰女旁搥鼓罵坐皆三年後死

事張本也是科唯子一售予已入穀與樓山雍瞻舒章宋轅

文徵興華亭夏仲文四勇金陵吳玉隨國對宗鶴問觀上元百餘人同寔

副榜京兆金楚晚先生謂副榜之盛百年所無千秋致慨特

刻題名敘齒二錄詎知南國賢書之竟以是終也此後賊勢

孔亟中原板蕩同志烏獸散矣甲申崩圻南都建立吾邑割

隸興平又民亂百口無所託秋冬走南都時懷甯翻案驟用

放手殺吾黨修報復予靜臥一小河房聽之樓山定生以救

妙四十八附一傳記

仲馭南來定生下獄樓山跳而免校尉屢及予門不縛或曰

劉誠意孔昭力予不解也予時以獨子歸侍兩親走鹽官轉

徙驚憂瀕死更生還里之後三奉薦書扶病告額始得免時

在乙酉深冬則傳聞樓山以義盡節死江上其後兩年之間

諸君無不死即生者咸大半棄妻子散家產去鄉里或以僧

死或以歸死嗟乎烈皇殉社稷自閣部以下殉主者僅二十

一人議者謂建文之難與魏璫殺戮忠義種子殆盡何以奮

義竭忠死者如微之表甄逢父與昌黎書云天下大亂死忠

者不必顯從亂者不必誅而眷眷本朝甘心白刃難矣哉若

甄生弁冕不加於身祿食不進其口直布衣一男子耳延頸

受刃分死不辭在古與今百不得一今吾黨皆太學諸生所

謂弁冕不加祿食不進死者僧者數十百人視微之所褒百

不得一何啻霄壤又議者謂崇禎閒處士橫議擅操國政要



挾公卿皆漢亡國事試思甕牖繩樞乾罄朽蠹與朝廷似有  
閒乃一聞國變同毀棄身上滅宗祀下殺妻子斷頭碎骨  
浩然不顧以報二祖列宗教養自非讀書明道窮理養氣羣  
居確然切磋砥礪安能以天下已任綱常名教共肩一至于  
此小東林樓山首倡之其制義詩古文詞高古不必論讀其  
廿一史史論與東林本末兩朝剝復錄庚辛壬癸記讀書種  
子諸書其刺促寒窗塵埋八股時根究治亂尚論千古至萬  
目時艱于國家陰陽順逆政事人才無不臆記手鈔存之夾  
袋其功在國家吾黨直與日月忠義同不朽矣冒襄之序如  
此方大鍼之必欲殺公也公語侯方域曰今有欲吾謝大鍼  
可轉禍為福者豈不為范滂所笑哉會左良玉稱兵督言清  
君側而大兵已逼獄乃解公歸起義戰敗被執就刑語刑  
者曰吾死勿去吾冠將以見先朝于地下也談笑而死受命  
處血跡至今猶存洗之不去

妙四十八 附一備記

七

汪有典曰嗚呼公羅九經廿一史于胸中洞悉古今興亡順  
逆之迹當神宗時天下太平無事而公多憂危之言人皆竊  
笑之迨其後天狼墮鼠禍機將發大臣將相又皆畏罪持祿  
不為補救甚且不惜以身為餌公則張目奮袂而言之禍福  
利害不為少動人又竊而笑之羣犬吠怪理固然乎同時諸  
名士之社集者亦不盡皆君子而死者不相背飛繁霜泣鬼  
神者正自不少也予次公傳錄冒氏之文以附見焉誠不忍  
其沒沒已也

資治通鑑綱目三編

吳應箕貴池人舉兵應金聲屯師泥灣諭降不屈死 本朝

乾隆四十一年追諡忠節

計六奇南略



吳應箕字次尾號樓山貴池人父某隱者家故習儒少則獵治詩文詞意氣橫厲爲復社領袖崇禎壬午鄉試副榜時國事日棘應箕好奇計畫策門雜進武夫介士不復經生自處會世變南土陸沈忠義者起恢復次尾曰吾有以自見矣署詩于壁云云帥義兒門徒糾合拳勇與其曹攻郡城不克同事者遁己獨募士治衆以計連復東流建德時欽州金聲首倡義奉隆武朔擢都御史得承制專拜牒署應箕池州推官監紀軍事勢始彰而聲先敗失援自練卒深山飛檄郡治語皆醜詆怨家偵聞百出大兵逼戰潰匿婺源祁門界被獲不屈與兵官偕輒踞上坐亦敬重之及加害一卒以刀刃之叱曰吾頭豈汝可斷耶乃伸頸謂總兵黃某曰以此煩公然毋去吾冠將以見先朝於地下也其就刑處血跡洒之不去頭入國門如生歷三日不變人咸異之

陳貞慧防亂公揭本末

妙四十八 附一傳記

八

崇禎戊寅吳次尾有留都防亂一揭公討阮大鍼大鍼以黨崔魏論城旦罪暴於天下其時氣魄尚能奔走四方士南中當事多與游實上下其手陰持其恫喝焉次尾憤其附逆也而鳴騶坐輿偃蹇如故士大夫繾綣爭寄腹心以爲良心道喪一日言於顧子方杲子方曰杲也不惜斧鑕爲南都除此大憝兩人先後過余言所以余曰鍼罪無藉揭士大夫與交通者未盡不肖特未有逆案二字提醒之使一點破如贅癭糞溷爭思決之爲快未必於人心無補次尾鐙下隨削一稿子方毅然首倡飛馳數函毗陵爲張二無金沙爲周仲馭雲間爲陳臥子吳門爲楊維斗浙則二馮司馬魏子一上江左氏兄弟方密之爾止仲馭臥子極歎此舉爲仁者之勇獨維斗報書以鍼不然之友無俟衆溺如吾鄉逐顧秉謙呂純如



故事在一鄉攻一鄉此輩窘無所託足矣子方因與反覆辨論有書書不載時上江有以此舉達之御史成公勇成公曰吾職掌事也將據揭上聞會楊與顧之辨未已同室之內起而相攻揭遲留不發事稍稍露矣既意此事仲馭主之然始謀者絕不有仲馭也而鉞以書來書且哀仲馭不敢視就使者焚之鉞銜之刻骨揭發而南中始鯁鯁知有逆案二字爭囁嚅出恚語曰逆某逆某士大夫之素鮮廉者亦裹足與絕鉞氣愈沮心愈恨未幾成御史以論楊武陵嗣昌逮遂不果上鉞遂有酬誣瑣言一揭語雖鶻起中實狼驚至己卯竄跡荆谿相君幕中酒闌歌遏襟解纓絕軌絮語貞慧何人何狀必欲殺某何怨語絮且淒向相君泣大鉞身雖在陽羨山中乎而所以窺伺吾輩者益急無有閒青谿道上察子往來如織時予寓朱憲副園中同人枉顧鉞多為相圖也且悻且恚

妙四十八 附一傳記

九

鉞歸潛跡南門之牛首不敢入城向之裘馬馳突廬兒崽子焜耀通衢至此奄奄氣盡矣然鉞腐心咋齒日夜思所以整吾輩謀翻局特未有路耳居無何荆谿再召竊心喜鉞得聞矣幸天子明聖堅持其局不變議隨起隨滅亡何甲申弘光事起鉞曰此奇貨可居也竟緣官兵部尚書以迎立福邸首謀即翻舊案將盡殺天下酬所不快下周鑣雷演祚於獄發其端時語所親曰吾五六年來三尺童子見我名姓輒詈而唾者非若若邪若知有今日以揭中最切齒者十人列之上曰此擁戴潞藩以圖不逞者又造為十八羅漢七十二金剛之目曰此其羽翼者如王紹徽點將錄故事一網殺之貴陽馬相曰大事方定如此人心不安姑緩之是時也予適以先人卹典留南中且逆知鉞之眈眈余也以周雷在繫旦夕勞問或謂余且遜謝亡去子歎曰禍已成無益況友在難何忍



去益旦夕二公自若鍼日夜中之莫可解矣一日持余僕至鎮撫誣予爲仲馭打點且云仲馭以五百金賄都御史郭公維經將并中郭甲申九月十四日兩旂尉至余寓蹤跡余所與仲馭往來書札無所得因出一票但聞曰駕上來駕上來數十人蜂擁予去時河南侯子適至爲予倉皇出兼金付錢君禧代請閒而爲求援於練少司馬時漏已下司馬馳詣貴陽曰書生何罪必欲殺之耶貴陽曰非我意出圓老練曰其先人清德重望至今思之未忘當十世宥者奈何即殺其後人馬相默然顧視燭影移時曰拘之司敗何如練不答既曰遣之出境去何如練謝而退時舊錦衣劉僑者亦在南中致書鎮撫馮文意謂東林後人無故殺之以起大獄後來必有公論吾衙門久且年老閱歷多紀綱門達可鑒也馮亦遲迴者久之而王相國鐸亦有書致鎮撫遂不得周內乃於十五

妙四十八 附一傳記

十

晚拘予私衙具五毒卑衣圍牌縱橫勢張甚馮作色曰汝何故在京爲周鑑打點予不爲動徐曰某書生也不任打點於周某實爲兒女親患難中忍不一顧馮曰汝有家人口供以一單示有送銀郭都御史一款予曰無論周某素以名節自愛非行賄者郭老先生清廉矯矯居官正直南中無不聞豈受賄者馮曰汝何得交郭公子曰某之得交郭公以先世有舊耳非因周也馮又佯作色曰此事不小然終無所鍛鍊云初見其拘票首予次吳應箕次仲馭弟周鏞吳與馮有舊先密以意示梅錦衣惠連得免其傳牘有云此輩夜聚曉散蹤跡詭秘以無實跡姑發回原籍嗚呼甚哉阮以快不快所願曰俟我巡視地方未晚其時逮御史黃澍明年乙酉逮督撫袁繼咸輔臣吳姓逮宗室朱容藩又逮御史左光先逮翰林陳名夏逮諸生沈壽民張自烈沈士柱逮大司農侯恂洎



其子方域方夏逮副都御史金光宸諸君子凡號為清流者  
惴惴懼重足立矣四月左帥良玉衷甲東下意清君側至九  
江南都震恐大鉞以為雷周所構不除之為內應不已詣貴  
陽巷指薄暮往語至達旦飛片紙賜死矣屬有飛霜之異諸  
不靖者尚借為風雨尋有五月初八之事清流之禍遂獨中  
於雷周二公而國事不忍言矣嗚呼

陳貞慧吳貢士應箕贊

次尾骯髒負氣節其讀書有本末平居酒酣感慨祖鞭劉嘯  
刺髯颯颯未嘗不在受降風雪閒也魯仲連飲烹醢梁王灌  
夫痛罵程不識而頭顱老大辭舌不平氣亦以是不振乙酉  
之死而次尾何以死也次尾又何得不死噫次尾之志也  
贊曰郢人運斤伯身流水乾坤歷歷何限餘子以上吳集

徐世溥劉徵君傳

妙四十八 附一傳記

士

嗚呼存無位于世沒有聞于後者古今豈少夫乃生同時而  
限于異地不得見至慨慕之如古人迄果為古人矣彼此竟  
于不相見吾其于夙昔所懷思何哉作劉徵君傳

劉徵君城者貴池人也字伯宗少以文學為東南所推並稱  
之伯宗久而四方積高其為人則皆稱伯宗先生先生與余  
通聞時崇禎四年也後數數書往來雖未覲稱心契矣崇禎  
八年上以寇盜羣起有司多不稱職詔如祖制在京在外官  
各保舉堪任府州縣官人才舉而不稱職者連坐由是江西  
右布政使張公秉文以君應而先是樞輔史公可法為池太  
道亦已薦君前後辟舉者安慶巡撫黃配元辟為九江同知  
不應安撫御史黃耳鼎督學御史陳良弼巡按應天安徽寧  
池太御史賀登選並以才行貢薦故晚而學者又稱徵君云  
徵君蓋嘗再至京師矣初力辭張史之薦不獲乃入都考授



知州不就或曰先生何不仕也曰我非科目故也且又貧若夫言利以要人主計私誠大臣用口舌得官又所恥不爲也是時上方銳於求才宗室用換授閣臣由外拜鄉試之外開拔貢汲汲然惟恐救時之士不至于廷朝臣雖陽奉行實陰尼之桐城蔣臣首以言事得罪淄川晉州知州陳宏緒有全城功得罪縣竹幾不測而余亦以答友人書論時事致烏程聞之作色有厲辭此皆同時保舉之人也並以諸生姓名纒達于天子而三宰相已忌之自餘百執事可知矣而出身科目者亦時時潛用餽屬得升轉天子焦心孤立于上無以示激勸則淮安吏陳啟新武康知縣朱露先後以言利及指斥大臣並得給事吏科時論亦醜之故徵君云云其含蓄指遠而不亢類此也以故時宰亦不甚忌之乃范文貞公景文與孫太僕三傑特敬愛焉及馬士英立弘光帝于南京史公以

妙四八 附一傳記

三

輔臣督師出守儀揚時議立四鎮防河而以靖南侯黃得功東平伯劉澤清興平伯高傑廣昌伯劉良佐各分地擁重兵填之徵君則持書閒道趣昌言于史公曰五侯皆盜賊之餘非有恩義可聯結知慕節概思樹功名流聲稱于後世也主弱必叛敵強則降敵主皆弱且欲專制自爲而互相兼併勝者大自封小挾上不勝者則復潰溢散漫而爲流賊今內無老臣宿將勁旅親兵足以彈壓不肖在廷推公防守雖名督師實出公于外根本單薄而欲使此四人防河是猶使狼守門虎來未必能拒而主人先不得動手搖足矣苟行之公必悔之史公得書果悔之而無及矣五侯者其一寧南侯左良玉也既南益封左而北立四鎮弘光未奔君乃與程公世昌東西游走自高淳歷湖州嘉興以還有終隱廬山之志欲與蕪湖流寓陳允衡以僧服偕往而不果也遂終棲止于峽川



是時益貧矣紙貴無以撰述則用敗東及廢紙背書之其于好學篤友睦族天性也悲時士大夫務博古爲辭章而不諳典故于史學尤惓惓焉在京師時與吳江史元約曰吾屬既在輦轂閒依日月之光矣即當討習聞見以證本朝史乘同異若止讀古載籍無貴旅食長安爲也以州郡圖經可以考核史誤故收藏志乘爲多以史傳牴牾宜以私乘參考也故撰次古今名賢年譜以禮樂文章之未漸滅者學也故輯古今廟學記以化鄉國天下必始于家也故引同姓故事以五倫分類作劉氏家訓棄產營書前後凡三四萬卷未鋳行者有古事異同今事異同劉氏藏書題跋欲著而未成者後通志略不及竟以屬其子廷鑾集後樂苑選明人韋布詩以屬其孫漢系他雜著多矣甲申變聞與其友吳應箕聚哭于野後每言及先帝未嘗不涕泗被面也應箕死君益無侶少時

妙四十八 附一傳記

主

故喜與僧徒游曰儒門所未收者多在此況本朝聖學不及宋儒至是益親之曰市朝更變王侯貴人名流老將必多于此中去矣于縱橫之客雖不與交必折節以盡其議或問之曰世方亂能定之者必非繩尺迂謹之士也然天資樂易雖村農負販與交接未嘗有町畦云阮大鍼仇嫉善類將及廷鑾伺徵君父子過無得久而服其純粹更加譽焉君于宗族婚喪必給其求友死必賻客旅必周于財利毫無所苟故黨禍徧及名士終莫能害君南遷以後鬱鬱日不樂爪掌畫几頰仰咄嗟不常蓋私心籌度以爲東晉南宋之事尚可復行而庶幾再見漢官威儀也故金陵臨安圖志至不釋手焉竟以憂病終而君皜然完節全歸矣東南人士莫不悲羨之及門之士有爲制服者

徐世溥曰往萬茂先爲予言伯宗美姿容好吟誦恭敬溫文



恂恂君子也劉晉卿亦言劉伯宗如春風好玉及聞其脫資贈黃詹事道周成御史勇陳知府宏緒于詔獄至欲出死力為論救又何壯哉友人李達死無子女楊之煒死而亦貧君為經紀其喪纖悉備至輟衣食周濟兩家者垂二十年此豈為文章時勢相要結圖報及有所感奮欲以愧時鄙薄者而為然邪仁厚著于心有大過人者遭時鼎革惋愴成疾君子之終也至其所為時文古文嶧桐詩集學者多能誦記不更列特次其言行尤卓犖關當世得失者後人修史志得以資焉

吳山嘉復社姓氏劉城傳略

劉城字伯宗晚更號存宗貴池人負雋才與吳應箕齊名史可法撫安慶深器重之大事每諮焉丙子應詔保舉以知州用城辭歸福王時廷議分江北為四鎮城聞之感然曰禍始

妙四十八 附一傳記

古

此矣亟上書可法言四鎮桀驁不臣或起降盜非懷忠義主弱必叛敵強必降主敵皆弱則專制自為互相併吞公之督師無老成宿將以俱行何以彈壓四鎮而收其用後必悔之卒如其言城知南都必敗杜門不出及江南亡應箕以起兵死難愈憤恨不自得未幾竟卒私諡貞文有嶧桐集

南疆逸史詩逸傳

蔣臣徵君劉公伯宗行略

往者崇禎間天子下明詔徵海內賢良詣公車試補守令不稱坐舉者懲吏治之日偷黎元之重困也所司輒度閣不時行會有妄男子上書詆斥在位橫婪朋比狀甚悉且言皆資格之弊科目之趨日下也上覽之心動遽拜夕郎朝貴咸憤嫉無所發攄謬意徵辟得人則科目且罷以故尼沮萬端丁丑禮闈策出至用為譏訕賴上意弗移督趣之旨屢下始漫



然以應然應之中不以實也上焉者裁取譽望素聞雅意獨善度其終不復出也則薦之次或徇其所親暱下焉者不復可問矣其間名與實稱益可僕指焉大江南北則予與伯宗沈眉生成在舉中予屢書致辭幾於誚讓伯宗則以讓友人吳次尾既不獲讓復辭者再及授官又皆不拜若眉生則試亦不復就僅上書論時宰徑拂衣去當是時天下事已萬不可為矣局殘且盡無下子處更命弈秋能無斂手然伯宗獲遂以隱終若予則復為倪文正公力挽以出予素不識公面及賜對殿廷出乃謁公於私第相見遽曰公何相迫之甚邪今日之事雖使舜禹同堂伊呂并世亦何能為無已獨有以死報公耳及除目下即馳書老親及友人訣別遂及甲申之難予殉難於彝倫堂中死且半日矣有遷予就瘞者乃復活其人為予毀形易服復護予以出隻影遯荒中間顛躓狂發

妙四十八附一傳記

五

瀕死者屢矣尚視息人間視伯宗且稱後死矣豈不痛哉伯宗既卒其子廷鑾以狀來請予與伯宗居隔一衣帶水耳尋交垂四十年生平出處大略無不同予雖病癢焚棄筆研且入載然知伯宗者莫予若也其何敢辭謹狀其略公姓劉氏諱城伯宗其字也晚乃號存宗明所以不即死也世為池州之貴池人遠祖某自某來遷曾大父岐為河間丞大父正蒙為湯陰丞俱起家胄監父處士光謙母王氏以萬曆戊戌年六月二十四日生公於邑之某里處士公素豪達不事家人生產及生公時所承先業落且盡又早棄親孤世父刺史公光謨友愛素篤即從襁褓中撫育公為己子恩勤顧復不少異公岐巖幼清初隨任青田得郁離子讀之即慨然悅慕甫成童補博士弟子試輒冠其等夷而好學通古今內行純備聲名鵲起公卿間不獨以帖括為諸生所誦法己也是時士



習頗尚藻譽刑雉標幟所在而有豫章金沙雲間婁東始以  
聲氣相招終以意氣相激識者病之秋浦介江之上下不爲  
強異不爲苟同秋浦晚出而先後之爲異同者始息所稱秋  
浦者即伯宗與次尾吳應箕也兩人交最久亦最篤調則金  
絲之相宣性則韋絃之相刺也次尾伉爽悍鷲多怪少可當  
其佗條慷慨吐論縱橫唐突卿宰髯戟奮張人多辟易伯宗  
則溫恭樂易飲人以和沖然如不勝衣對之使人意盡次尾  
大義侃侃好面折人過伯宗則玄遠靜穆終日口無臧否次  
尾高視闊步或不矜細行伯宗則擇地而蹈有所不爲次尾  
家世寒儉而原鴿急難至費數千緡然賣賦借交侈於聲色  
費用亦漸康伯宗則席先世之資稱饒裕矣而以篤於朋友  
敦族睦姻好施樂予濟人之困如將不及急人之難如負在  
躬若黃詹事道周成御史勇陳刺史弘緒之在獄皆不遠數

妙四十八附一傳記

文

千里囊餽以餽四方以問字請益來者至則如歸戶外之屨  
恆滿尊中之酒不空而又嗜古如飴積書至數萬卷家且日  
落以故交次尾者或不能無異議而交伯宗者則雖憎嫉之  
口亦終不能有閒言者也要之兩人皆賢者次尾既以義勇  
奮發不忘喪元如田橫客烈烈以死覆巢之下無完卵矣幸  
賴伯宗存濟其家教養其孤俾無顛隳非一死不足以成次  
尾然而所以處伯宗者則更難矣友人陳士業寄予書曰所  
南先生危行孤往若不能終日尚寄承天寺中積七十六年  
而後死范粲在車中三十六年不交人一語古人所以忍此  
至艱至苦不即死者何故嗟乎文履善云男兒死未休所南  
亦云骨縱已成土心終不肯交可以想見其志矣伯宗既不  
就官歸而益發所藏書邈志時敏晝夜披覽不少休所著書  
且如千卷昔人謂身隱焉文伯宗豈誠以不獲大行其志徒



欲以此施諸後世哉觀其自署謝髮鄭心則從可知已心史一書有聲皆淚有字皆血此心不死即天地常存伯宗啟手足之際猶手金陵臨安圖志不少釋則其心豈與七尺同歸埋壤哉僅謂託立言為不朽非為知伯宗矣伯宗以庚寅三月二十五日考終既卒之明年予始得讀其寄書蓋未死前兩月筆也猶云古人經五得四州九得八欲以瓢笠從予為五嶽之游嗟乎伯宗已矣尚何言哉書寄來時予病正劇哭不成聲但爾流涕被面追念生平音容如即予每渡江輒樓湖上伯宗必扁舟載酒為竟日談嘗以同甫擬予每曰開拓萬古之心胸推倒一世之豪傑子真其人然予所心折伯宗者汪洋千頃澄之不清撓之不濁則黃叔度也鎮密醇摯意思深長不激不隨不可得而親疏則在伯言幼安嗣宗之閒也予嘗謂伯宗小戎之詩曰溫其如玉子之人以之蒸民之

妙四十八 附一傳記

七

詩曰穆如清風子之詩與文以之嗟乎喪亂以來朋好略盡海內數子碩果猶存嗟乎伯宗而竟已矣豈不痛哉樞輔史公素愛敬士觀察吾皖時初欲薦予而為太僕楊公所先欲薦伯宗而為方伯張公所先然其念予兩人終不真諸懷也鎮維揚日數遣人迎予至淮上予歎曰公奈何以一羊將五狼也古有設鎮不在藩垣而反居堂奧者乎公曰曩者伯宗實言之今愧恨無及且奈何因出伯宗書示予予曰固也因為公策數事公且泣且拜曰曩者若在醉夢中子實生我後亦莫能用也然公雅意謂薦辟可以得賢非如科目之時亦弋獲也故於吾黨尤多所引重云嗟乎世治則上之所求下之所應也世亂則主之所貴俗之所賤也世或謂辟舉可以得德業之流科目僅可得文章之士虛文不如實行也嗟乎科目甚設而今海內力學好古能文章之士如伯宗輩者皆



遭屢別軼於格外尚謂非科目無由得士乎予赴召時適值  
 丁丑試策出予為辯其一訛五誤十三謬天子震怒兩政府  
 及大銀臺一月閒先後罷去伯宗聞而壯之為梓其書以行  
 會將大有所振滌而護局甚堅終不可得而破也此北風所  
 以歌惠而好我攜手同歸也予與伯宗生平志行出處交游  
 大略可髣髴者如此若其嘉言嫩行世所共見不復致詳云  
 伯宗娶王氏生子二人曰廷鑾廷蓋皆能世其家學而鑾聲  
 稱已久著二幼子曰添丁曰賸丁孫曰漢系漢威以上劉集

妙四十八附一傳記

文

附錄卷第一



附錄卷第二

序跋

二妙集四十九

吳集

明禮樂文章遠軼往代而史獨廢缺僅有實錄此天子事非一家一人事矣其所錄必及臣民而其名曰某帝實錄猶臣民之有銘傳表誄也人臣而銘傳表誄其君可用刺乎錄及臣民可盡用褒乎甚或載筆之人閒多曲佞死難者謂其乞哀戡亂者謂其助逆清議所病固非一端獨如神宗朝四十八年其大者始爭國本晚爭三案諸疏恆芟削不詳他小人邪說傾翻則連章累牘書之其次者鄒南皋先生論張江陵奪情江陵敗先生除給事既又以言事被謫諸疏亦不盡載諸小人之攻之者則又連累書之凡此皆其近且著者也而紊倒反錯如此嗟乎豈非仁人君子所重痛後世有識者所深譏哉江上吳子次尾有憂之每抵掌時政奮髯垂涕悲憤

妙四十九

附二序跋

卷四十九

一

交作三年以其所作詩文若干卷視周子曰古之君子得志則以其所行者紀載之不得志則以其所見者著明之此予是編所由成也而予詩多感歎忤忌抵諱罪尤大矣可奈何周子受而卒業曰嗚呼此非吳氏子之言而史氏家言也王仲淹曰仲尼述史者三焉書詩春秋是也孟子曰王者之迹熄而詩亡詩亡然後春秋作然則詩不亡則春秋可無作而史尚求之三百篇止矣古先王巡狩命太史陳詩以觀民風列國大夫相聘問稱詩論志季札使魯觀六代之樂大抵工歌詩也而治亂興衰之迹具焉仲尼而後巡狩之禮不講詩無復采而史之體漸與書春秋遠矣先民有言詩亡而詩在楚蓋言屈氏也屈氏楚宗臣疾讒諂之蔽明怨邪曲之害公憂愁幽思而作離騷讀其詞知南風之不競也令屈氏生當仲尼時仲尼采楚詩無踰此者故騷非屈氏之書而楚之史也



子觀次尾諸詩其屈氏遺意與次尾之論說與策記之為史也猶夫春秋與書之為史其史易見次尾之詩猶夫騷之為史也其史隱深未易明矣昔辛伯諗周桓公並后匹嫡兩政耦國亂之本也而晉狐突引之管仲有言畏威如疾從懷如流見懷思威而齊姜引之相距遠者僅三十許年輒相傳誦不能忘況在千百世下遠而益尊久而益烈者哉後之人或有紹明仲尼屈氏之業使知仲淹之言詩與書春秋為史一也則是編曷可已哉雖然吳子行矣天子明聖旦暮得志即以今所著者徵之實事請修舉國史補三百年缺失吳氏之史姑充家乘藏名山勿出可也金沙周鏞撰

吳子傷世莫知哀其詩古文板行於世以書屬張子序張子喟然曰十五國稱吳子衆矣譏亦有之有能深知吳子者哉知之而忘乎稱與譏日相勉以幾於道數人而已張子其一

妙四十九 附二序跋

二

也張子少無交黨恥競華名與時落落而交吳子甚睚然不阿以故知吳子益深嗟乎吳子何如人哉吳子通儻饒智略讀古人書務適用畫利害若指掌遇事物感發危言深論往往屈其座入其大指原本忠孝名節聞者壯之性不屑細謹痛當世苟且拱默時有所風刺雖嘗以此見望抗憤自若也諸所撰著不規規蹈古率出入古法度久而自衡稱其文益自喜或譽過其實吳子弗答左右顧賞質予予不無去取軒輊而吳子以為知言自詩歌書序傳記外尤長於策論策論自立一家類足以整亂匡治予讀而太息者數矣蓋惜其不施諸行事徒寓之文辭如此吳子謂予曰彼房瑄樊英誤天下豈朝夕哉甄善疾非面引廷諍上不負天子下不負所學我優為之或曰空言百子曰非也世曷嘗用吳子哉藉世用吳子吳子出為世用身任天下事而吳子寡所著見視曷所



自云爾刺謬甚乃始詰之曰果空言也吳子捫舌退奈何羈  
騏驥之足坐曰此非能千里者而謂騏驥過邪以予觀吳子  
之人文大都似昔陳同甫其究也不幸膺患難宜頽頽平  
原睢陽閒非苟然者然同甫上書孝宗天下稱之不可謂不  
遇睢陽平原功不稱志以忠節聞後世挾持素裕如吳子鬱  
抑不自遂不早受知君相徒詩文喻意誠哉其足傷也已雖  
然今天下益蠱壞患不能為不患不我用吳子守貞處順以  
素所交勉者盡其道而尤智勇深沈不概取憫時病俗之意  
見之於詩文世即不能用吳子吳子可無憾又况吳子終當  
見用於世也哉彼稱譏紛紛惡知吳子哉吳子字次尾名應  
箕方著書未艾云崇禎十二年正月既聖芒山張自烈序  
樓山堂遺集者亡友貴池吳子之所作也其死時文章散佚  
而當路大臣又曾上露布著以殷頑之目以此見者皆以為

妙四十九 附二序跋

三

諱甚至其片言隻字毀滅之恐後嗚呼使其言而可毀則采  
被之歌校童之怨必且不傳也久矣有人於此見日星之光  
而欲掩之見河嶽之流且峙而欲塞之摧之有是理乎余固  
知其必無也壬辰來陽羨陳子果出其所藏樓山遺集完好  
如初陳子謂余曰自經喪亂以來陽羨之田先少保公之賜  
鏹皆不可問獨守此集以報亡友即有同志欲假而觀之亦  
不肯與嗚呼彼成周盛時殷頑在洛今觀多士大誥諸篇為  
徒衆矣然曾無一人如陳子者和采薇而哀校童吾又不知  
今古人果誰不相及也抑豈樓山之文或以遠過於前人  
邪余交吳子歲在己卯今己十五年其文集皆前己卯作者  
蓋三十餘年矣當明神宗時天下太平無事而樓山集多憂  
危之言何其蚤見也迨其後天狼嘯鼠禍機將發大臣將相  
又皆畏罪持祿不為補救甚且不惜以其身為餌余則嘗見



吳子張目奮袂而言之禍福利害一不少動蓋其素志之定也審矣又何難於江上之死哉吳子嘗云文章自韓歐蘇沒後幾失其傳吾之文足起而續之余時方泯沒於六朝不知其善亦不取視也今知之欲與之言而吳子死久矣雖然以吳子之文求吳子余雖始不知之而卒知之恐天下之始終不知之者亦已多矣以吳子之人求吳子之文即五尺之童豈有不辨日星即越裳之重譯豈有不望氣而問指南一識夫河與嶽哉昔韓歐蘇之三公者皆能守道不隨於時亦嘗遭貶謫彈射然固未至斷頸絕脰以殉之也而當世見其片言隻字皆愛重之不衰設以若韓若歐若蘇而且以大義斷頸絕脰而死則當世之愛而重之後世之憑而弔之者又何如也嗚呼可以知樓山矣雪苑侯方域題

韓昌黎以文章起八代之衰而蘇子頌其碑曰自東漢以來

妙四十九 附二序跋

四

道喪文弊異端並起歷唐貞觀開元之盛輔以房杜姚宋而不能救獨韓文公起布衣談笑而麾之天下靡然從公復歸於正歐陽永叔以文章振五季之陋而蘇子序其集曰自歐陽子出天下爭自濯磨以通經學古為高以救時行道為賢以犯顏納諫為忠長育成就至嘉祐末號稱多士歐陽子之功為多夫後世之言文者莫不宗師韓歐而必折中於蘇子之論豈非以其美而不誣也哉以今視之韓自原道原性師說表狀而下歐自正統朋黨春秋本論童子問諸疏議而下不過贈答詩吟應酬之作耳安見其為房杜姚宋之所不能為而功加於當代邪獨觀長慶嘉祐以後學士誦法昌黎永叔不衰然後知文章匪易易耳吾師文尾先生崛起秋浦扁海內諸公卿爭欲望見顏色所至載刺盈車而先生傲焉弗



顧於制藝外發憤為古文上陳王霸大略下該近今之務他人揣摩十數年淹留而未就者先生直以不慮得之他人嘯嘯躊躇首鼠而不敢盡者或乃衝口出之雖觸忌諱犯勢家而不辭也其論古必援經傳未嘗有憑臆之言其敘事以傳後信今未嘗有誣諛之說其策議書牘皆所為審時勢畫治安正風俗未嘗以裨闔短長廁其閒詩歌雜著則又自勅一家於是好者習而尊之曰吳子今之韓歐也正嘉以還道在斯矣邇者天下多事疆武之臣明察之吏亡補國家毫末而魁閎骨鯁伸士氣於萬分之一者必出吾黨聲氣中孰為之倡孰為之和文章之功不可泯也先生即不為韓歐得乎一日諸弟子旅進曰先生以制藝矜式天下士大夫之誦習剽竊掇巍科高第者纍纍獨古文辭尚多祕錄又散弗聚也昔元次山皮襲美連不得志於有司輯所撰曰文編曰文藪以示

妙四十九

附二序跋

五

知己者書至今傳先生二十年著述已數十萬言吾屬私識而布之何為不可先生曰然然予亦猶是贈答詠吟應酬之作也奚足壽之金石於是諸弟子從他所搜其散逸刊樓山堂一集其別纂國朝紀事本末庚辛壬癸錄讀書鑑續觚不觚錄友鑑拾薪諸書不與焉諸公既先後為之序又使鑿校讐敘錄如左云崇禎十二年孟夏朔同邑門人劉廷燮拜書昔鄭惟忠問劉知幾自古文士多才士少士而無才猶愚賈囊金不能貨殖規繩具而拙工不知所操也予既序次尾之論矣再讀所為策豈非才也與本於理無穿僻命於意無隱艱深於氣無佻散爛於辭無蔓畫平子淹通士衡矜重可謂兼之而其抵掌世務策古今成敗衡人事得失若田更課農長年三老論水不迷事實若南冠操南音不忘土風若輪扁談斲輪不離本業如是而以才士盡之非次尾也才如曹子



建表求自試以為禽息鳥視終於白首乞辭遠游戴武弁解  
朱組佩青紘執鞭珥筆侍從華蓋轂西屬大將軍當一隊  
東屬大司馬統偏舟之任既不獲願惆悵無歡甫四十而歿  
余意子建當鼎足之代立忌主之朝即見試用必不能追阿  
翁埒子桓或不為楊修丁儀之續幾希矣方今多故明主求  
賢次尾入而列講幄補諫官必能舉稅政指佞臣出而備疆  
土必能北禦中禦寇圖得當報天子子建所不足者次尾  
優為之如徒曰才士則世期吳子吳子自期交矣金沙周  
鑣序 策序

予觀吳子次尾之制義也摹符已久放遠采辭老儒俊少談  
文事相娛樂而次尾實居師友之間交游文物照耀江左可  
謂盛矣及其縱橫論議馳騁古學龍驤虎視劃然厲變上規  
下逮考擊隱陋有所排測倣擬時事友朋識其言如持輪萬

附四十九 附二序跋

六

貨立於四達之衢未嘗有皇皇不給之憂而後之驗之百不  
失一故次尾用卒自憤明著於篇予竊自惟隱約著書志有  
所思或當不在作者之下開有諷世之言然一遇次尾噤不  
敢發予畏次尾何如哉吾友劉伯宗天下士也會一時鄉邦  
鉅公知其賢力薦之於朝伯宗舉次尾自代其書有云不及  
者數事天下方望伯宗一出以為瑞乃伯宗猶善避次尾如此  
況乎敵以下哉雖然次尾亦將出而仕矣言者心之聲也天  
下士同心也士而仕者亦同心也詩云中心藏之何日忘之  
憂之至也王子淵曰虎嘯而風列龍興而致雲蟋蟀蒺秋吟  
蟬蛸出以陰言其有感必有應也次尾徒以文詞勝人乎哉  
瀨水陳名夏序 制藝序

吳越天下佳麗之地也無川陸險阻所至可樂故其士民多  
蒔花種樹壘石穿沼游宴歌詠以適歲時非大故則不絕簫



鼓之聲亦其風俗致然矣今年吳次尾自秋歷冬皆游彼中有所感發輒形於詩其篇雖不多要皆有爲而作余聞吳越之士多能詩至考其賦詩之志近於古昔則又無焉其在正嘉時能於詩中寓憂世憫俗之旨者惟孫太初一人然太初故關中人而游於吳越豈其地士民獨有天幸外無寇盜之警內無衣食之虞而又遭世太平求所云良士矧矧者蓋皆逐於安樂而共忘之邪乃一二游士則反當其佳麗之勝恍然心目見於詩詠如太初者流不乏斯又何邪次尾負用世之略將旦夕有所發摠與太初之終於游者不可同日語而其憂則深以遠矣其爲詩精於辨體不襲古人不趨時尚真朴澹老惟自見其志與有益於聞者而止且又行起而任其所憂故其詩尤不可及也刻成命曰後東游草蓋歲在辛未次尾游吳越先有詩行於世云崇禎七年新建蘇桓序

後東

游草序

抄四十九 附二序跋

七

次尾詩先有刻者不盡此此其丙丁間作然次尾論詩之指亦近日始著云其言曰詩古文辭其義一也古文之道惟樸與堅斯其至者詩何必不然且詩本性情述志意心口相傳宜無他假者而以諧聲傳韻財取成章已不能不在離合閒況復資之振拾專尚華靡哉其失也僞是謂無詩吾生平不爲擬古強笑不歡非中懷所達故也蓋次尾之論如此其於詩似爲一家然余固心躉之是集篇什不多相其旨趣要不離所持論矣吾觀次尾負王霸之略希世度務磊落奇蓋其人在王猛祖述郭元振張建封之閒天下方多事次尾目覽心籌閔時病俗而傷世不已知無相與推挽之者則功名不得以及物也一篇之中三致意焉所謂本性情述志意宜無他假者信矣次尾豈欺我哉讀丙丁集者謂足盡次尾詩



亦可同里劉城序 丙丁詩序

予友吳次尾博極羣書通世務善古文獨慷慨負大略此豈  
 可以詩人目之顧天下之善詩未有如次尾者也嘗與予酒  
 酣細論其言曰弘嘉諸君之失也以拘體法而詩在今人之  
 得也以言性情而詩亡豈性情之言足以亡詩飾其未嘗學  
 問者以為詩人之妙不過如是嗚呼與其得也則盡失而已  
 矣蓋次尾之言如此子以為後有善論者不能易矣次尾詩  
 具載全集此刻其己卯一歲者要之讀次尾詩其學問可考  
 而知也即其性情亦不能外然豈可與今之人同日語哉故  
 天下之善詩未有加於次尾者也雲開陳子龍序 己卯詩序  
 士見乎世世所以徵士言行二端而已其言是其行非士於  
 是乎取譏其言非其行詎顧有是而世反感之於是益受士  
 之患而士亦益為世所輕予所以重有感也予鄉自願涇陽

妙四十九 附二序跋

八

高景逸兩先生倡道東南論儒宗者薛胡陳王四君子後輒  
 僕指陝之馮吉安鄒梁谿顧高云士不幸不能生同其時猶  
 幸生同其地千百世之下千餘里之遠聞兩先生之風思兩  
 先生為人其言吾之言行吾之行也而況為時非遠受地甚  
 邇顧非兩先生言將奚言非兩先生行將奚行其言兩先生  
 行兩先生則其人可知也其不能兩先生言不能兩先生行  
 則其人又可知也頃者余友眉生建明大義如鄒吉安論江  
 陵故事天子念書生無他且能為朕守名教其無責又念大  
 臣重廉恥宜自裁於是眉生初上疏弗予封再上疏予封留  
 弗報嗟乎眉生天子愛爾至矣既還抵予予即以鄒先生進  
 之此猶吾願高也唯唯敢不益勉已送之瀨江道上相要歲  
 夏以前來茅嶺秋以後予往敬亭如是者兩人終其身也及  
 予歸而次尾子方以梁谿倡和集問序遣書適至夫子方涇



陽先生賢從孫夾之先生之肖子也而次尾好與游是所謂  
不忘兩先生者次尾江上賢君子也子方言必稱之此亦涇  
陽先生所有事矣今天下不患無才士驕而善傾人聞而不  
知取衷則奚貴焉二子聲相若謙謙兩相下顧既紹其先人  
吳亦能遠而就其鄉賢者之後孔子曰其爲人也溫柔敦厚  
而不愚則深於詩者也二子之謂矣雖然二子其亦益自勉  
須時出而經天下使後人士亦益知言二子言行二子行則  
予與眉生其猶及聞且見之也周鑣序 吳顧倡和集序

樓山集原本續刻金陵或離或合多散見乙酉以後鏤板不  
可復得矣癸巳春芑山張先生寓石埭貽書峽川屬劉輿父  
廷鑾洎吳山賓非重輯此集以斛峰戴氏所借章謨本爲草  
稿兩君各出所存逸文共相編摩更爲目次郵張先生手訂  
之已而吳子相遇又采掇細碎入之合成此書張先生既命

妙四十九附二序跋

九

工繕寫付之輿父以甲午冬與孔仲石先生請諸同學醮資  
授梓隨得隨鐫至戊戌秋乃訖功其間又不無且忌且疑固  
難爲不知者道也板既成歸於孟堅而貶之吳彥所彥字幼  
美先姑丈樓山先生從弟也同里內姪李時跋

右樓山堂集二十七卷明吳應箕撰案先生字次尾貴池人  
縣學生乙酉死於難朱竹垞靜志居詩話稱先生羅九經二  
十一史於胸中洞悉古今興亡順逆之迹當崇禎中預料燕  
京之必不能守聞者皆笑其迂而先生持論侃侃不阿也名  
雖不登朝籍而人材之邪正國事之得失瞭如指掌撰有熹  
朝忠節傳二卷兩朝剝復錄十卷留都聞見錄三卷東林本  
末六卷續觚不觚錄二卷陳迦陵湖海樓集稱先生嘗以所  
撰國璋集相示歎爲經術暢茂搜葺詳雅無何而觸機蹈故  
此書不傳又稱觚不觚錄議論絕有根據復有留都聞見錄



序迄今與竹垞所稱各書均未見傳者獨是書耳分宜張爾公嘗稱先生人文似陳龍川詩旨類屈正則可以飛繁霜泣鬼神詩旨類正則先生之過爲之人文似龍川竊謂有過之無不及也憶幼時讀侯朝宗壯悔堂集有是書序稱先生文如日星河嶽竊疑其推挹之言又稱先生嘗云文章自韓歐蘇沒後幾失其傳吾之文足以起而續之亦竊疑其自譽稍過迨今得是書而讀之始知其前無古人後無來者其指陳時事諸作實不減賈長沙董膠西劉中壘迦陵又稱先生史論高文遠識成一家言有極筆之歎又稱每讀集中論史諸作時而悲歌起舞旁若無人時而作爲變徵聲泣數行下其感人固如是耶又壯悔堂集祭先生文有云明三百年獨養此士嗚呼唯先生不愧此言耳咸豐癸丑小寒南海伍崇曜跋

妙甲十九 附二序跋

十

吾鄉吳樓山先生著有樓山堂集自

國朝褒諡忠節與黃文貞公合祠額曰雙忠而是集未大顯於世兵燹後不但板毀存書亦寥寥用賓居去先生村隄三十里許其學識風節婦孺皆時時道之傳之海內千秋不朽者不徒在文章然讀其文章不惟足以增長識力並足以生忠義心用賓僻處山林無由博采聞吳竹莊中丞所輯乾坤正氣集刻有先生詩集而未之目睹也陳信吾明府刻有先生制藝而亦未之目睹也適同里執友張少江出是集舊本商重刊之竊以是事有志未逮久矣遂亟付之梓人不數月少江作古不克睹是集之成吁吉光片羽得者珍藏數十年矣茲獲斷簡重刊未必非先生在天之靈所許也卷中闕字空格悉從舊本以存其真刊既竣謹書數語於後時光緒庚辰季春上巳前二日里後學王用賓斗山氏謹跋



樓山堂集參訂姓名錄

編纂宜春張自烈芑山新建陳宏緒石莊宣城沈壽民耕岩如皋冒襄樸巢鐫錄樂安孫弘詰仲吉山陰吳一鳳羽君南昌陳澍公霖嘉善魏允柎交讓宜春張世培

江寧黃虞稷俞邵倪燦聞公宜興陳維崧其年如皋冒

禾書穀梁冒丹書若如桐城方中德田伯方中履素伯孫吳

小武婺源李夏非夏祁門陳希昌秉文宣城麻乾齡天為沈

挺公厚太平邵冕黍夫和州戴本孝務旃戴移孝元忝青陽

徐文烜又章劉襄祚天章羅夢旗維旗銅陵余心傳曾唯石

球胡來聘以時沈朗汝雋沈巖野求沈恪寅公沈瀛士其登

建德孔尚鏞仲石孔尚萃人初孔尚大德載孔尚賁白生孔

尚坤以厚江桓武子江桐樾圭鄭思遠靜公鄭思景日如鄭

允迪吉士檀光熿蔚公東流檀明易无過貴池丁煜暘柯丁

妙四十九 附二序跋

十一

燿丹石丁耀紫芳紀國珍彥席汪漢西京鮑可大功甫鮑士

源先河陳亨嘉林宗姜可久又久胡瑞彝茲曹晟集孔曹風

扶三楊國琪其玉劉廷鏊幼濟劉漢系王孫舒廷詔巢友李

時男蛾李勰寅公李特卓生僧性琦心冰校警弟應夢發若

應纂緒情應筌漁又履嘉元禮彥幼美非山賓姪遇子相男

孟堅子班

劉集

貴池吳次尾應箕劉伯宗城兩先生同時以古文名家聲譽

籍籍起吳樓山堂集已盛行於世劉所著猶未布國門海內

重其人憐其遇思有以傳於後嚴顥亭先生屬池陽太守柴

雲巖為之表彰會移官未果余督學江南按行其地其次子

廷蓋孫漢系出嶧桐集相示且言窶貧未暇狀因出俸錢佐

之授劄劄焉先是先生長子廷鑾與父弱冠能文章為名流



所重胡澹園師令烏程設榻留之余數共晨夕以古道相敦勉為言先生應薦不起事甚晰二十年後復相遇京師雖在羈旅中而沈酣古籍不愧向歆之譽乃未幾時而與父與先生相繼淪謝至今日而始得以未了之事慰先生於地下能無命笛山陽薦琴阮瑀哉古今豪俊之士以功業文章焜炫者代不數人其他名業小大率由風雲遭際使然若其負蓋世之才而聲施不出里黨終以枯寂斯足悼矣至於蓮會不辰蘊略抱憤有伏櫪千里之志而無鉛刀一割之用長汲短綆無所措施而又行野寄食避地驚心放意於詩歌抒懷於詞賦抑又悲矣先生應薦入都授職未就遭遇寇氛隱遁以老平居銳精史籍於易理尤邃圖經年譜搜討詳核為文務辭達結構不疏力去塵言有自然之藻續精明嚴潔適當乎理樂府借古綴辭頗多託諷駸駸乎趨漢魏間其他五七言

妙四十九 附二序跋

三

諸體思深可誦雖經濟之才絀於遇乎就嶧桐集觀之亦自成一家言矣所可惜者與父負奇特之才著書充棟亦復偃蹇一官究不能遇何父子抱才之不異而數奇之若一乎夫北海既歿魏文猶廣募其書昌黎遺文柳開乃獨稱其美余有愧古人無足以增重先生然是集之梓使海內重其人憐其遇思有以傳於後者不亦可大慰也夫康熙十有七年歲次戊午中秋春江邵嘉題於金陵官舍

余友徐巨源為劉伯宗徵君作傳余書其後具悉疇昔登堂定交於交游中獨深敬愛乃今讀其所著嶧桐集而更有異焉余生平嗜書然於近今之作意鮮所諧或枕上或游行車中偶一寓目旋棄去獨至徵君詩文則一見不能舍且不敢易視晨起弗盥櫛弗衣冠不敢展讀也與人謔浪弈棋或酒食過從必先掩卷也夜分讀之不能寐即寐矣或更起挑鐙



讀之甚矣徵君詩文固已移我性情矣蓋其忠君愛國之懷無在無之舉我數十年悲泣感慨喀喀喉間者一一寫出且詳且摯以爲史筆載記也可以爲諫議奏草也可以爲方名興圖紀事亦無不可蓋無一言之不澤於道德無一言之不關於利弊若徵君者豈徒聳悅修辭已邪至於朋好贈答詠物卽事亦皆具有微情至性寄託深遠非尋常應酬者比故余以爲徵君樂府直接國風詩直擬工部文直擬宣公下此者固不得而儕焉抑余讀徵君集而重有感也夫士誰不思好古力學以不朽於後世然飢寒奪之者半功利奪之者半徵君生長名閥家有藏書得肆力購求諸經籍志記其所憑既異寒畯而天性澹薄不求聞達卽再上徵車輒棄一官如蹤其衷懷泊如得專力著書其子若孫如與父王孫旣能祇承過庭毋愧更生之傳而同邑則有吳公次尾唱子和汝同

妙四十九 附二序跋

三

郡則有建德鉅公典型在望至於皖江宛陵金沙婁東吳門雲閒一時皆雲蒸霞蔚枹鼓相應遠如浙之山陰慈谿閩之漳海北地之燕山吳橋齊魯之萊陽中州之鄆陵及吾江右之南州瀟江文水臨汝諸君子者皆嶽嶽人望蓋人文之盛至此而極而徵君皆得而事友之故益得以佐助聲華增長志氣而所居貴池濱江而居海內舟車道里相通郵筒往還無虛日徵君平易近人至誠動物自鄉閭以及四遠咸敬服無貳滄桑以後避世窮苦里中爭相延納而其及門諸子猶襍被載酒追隨於峽川湧泉之間而徵君亦卒以壽終然則徵君之爲徵君又豈僅在詩文已哉余敬愛徵君人文備至故得而申論之後之覽者其亦有所感也夫江右閩字晚弟康范生頓首拜撰

暉桐集者秋浦劉先生之所作也先生歿之明年其子廷鑾



抱遺詩而泣曰子知先子深者盍爲先子序而傳之懷不敏其何敢妄語以辱先生先生名城字伯宗一字存宗貴池人其所交游李杜齊名者蓋有吳應箕次尾云當烈皇帝盛時天下學士大夫皆明經復古兩先生肩文章之任其所著書率皆醇厚爾雅不詭於道天下靡然向風即所謂人傳元祐之學家有眉山之書者不是過也己庚之際人物聚於留都范相國景文爲大司馬馮大司馬元臆爲大銀臺張僉都瑋爲少京兆其他如詹侍即兆恆爲御史錢副使棟爲銓曹而優游林下坐臥東山者則有金先生光宸周先生鑣其四方流寓之士則有和州戴推官重桐城方學士以智孫職方臨山東姜司馬採姜考功垓輩麾扇過江文酒跌宕而懷與王孝廉潢錢茂才匯二三人進退捐讓於其閒莫不推兩先生爲祭酒云乃吳先生貌癯黑鬚似蠟毛磔每當稠人之會

妙四十九 附二序跋

西

則竟據高座議論風生旁若無人者劉先生則頽如玉山鬢髯若神仙豐頤廣額飲人以和博極羣書而謙讓未遑其不相雷同有如此當時之人皆憚吳而樂劉議論亦頗有優劣迨其後也吳先生以建義銜鬚而先死劉先生亦終於袁閩之土室然後兩先生之名節昭然如日月之經天嗚呼其不同乃所以爲同也歟懷與兩先生皆梓曰之交而劉先生舉主爲張方伯秉文方伯子克仔懷及門生也先生數往來其家是以與先生更密而知先生亦最深先生文章本於經術感憤所至溢爲聲詩其寓物以寫興會而吟者風之遺也其鬱拂不伸連縱陸離者騷之響也其碩然煌懿有典有則者雅之音也大抵甲申以後之作沈鬱瀏亮與少陵夔峽以還諸律詩相伯仲矣嗚呼豈非美備也哉昔陶元亮揮杯勸影企脚羲皇爰有田園之什謝皋羽痛哭西臺戢身許劒厥傳



晞髮之篇客有以兩公比先生者而懷不忍也懷次其語以授鑾且告之曰先生既不辱其身矣更勿使妄男子謬點污其詩文以辱先生吳先生子之師也當輯樓山遺稿合刻以傳世俾後世知秋浦兩先生有德有言依忠依孝若斯之著也語未畢鑾乃泣然流涕曰是余之責也夫是余之責也夫舊京余懷澹心氏謹序

昔歲辛巳非寓吾樓山兄白門寓劉徵君先生至期與其長公興父同事著書明年壬午如約迄庚寅其先生事者九年每詩文脫稿相示則請筆之簿以爲程若張文昌之于昌黎公所云爲文先見草尤無閒也歿後和州戴无忝移孝以世誼再至峽興父彙其前後已刻未刻者屬分之文十卷詩十卷閒有遺也他編輯不與是嗟夫余非何由以序先生之集哉願以與先生交生死情有不容不一言者先生之性天溫

妙四十九 附二序跋

五

厚和平若人人可近而剛方嚴毅之氣使視爲可近者復自遠故其詩文如之見先生者讀是集知先生之爲人未見先生者讀是集亦足知先生之爲人也先生凡讀書必記其要領學問淵激經史蘊藉而吐之爲辭藻又生當爾時與並世名盛諸君子角立推爲雄長吾樓山兄目空一世者也嘗語非曰江上之淹博如伯宗者有幾哉蓋心折之矣跡其生平堅操貞志所見既審毫不敢苟非可游移奪者顧又不徒以學問勝而未嘗不從學問中來故其于保舉也則辭爵而歸爲諸生于羈隱也則禁步而必于土室謂非操之堅志之貞而能之乎在他人猶未免不委蛇疑慮欲前故卻卒不得前而乃悔之無及幸以成其名由是以推詎惟白沙刺夫輩爲然矣陳白沙獻章大儒也應薦至京林見素日過從講學時當事久未有以起白沙者林上書尹太宰謂山林遺逸之路



不可自我而塞尹遂爲請試林又勸白沙勿試上疏乞歸使  
非林則白沙何以歸夫白沙豈不見及此哉特持之不力耳  
陳剩夫真晟既講聖賢之學自詣闕乞召對而後陳說己雖  
上程朱纂要下禮部復爲當事者所寢程純公以布衣乞召  
對可比例更行乎二陳同時後先若此視之先生忠孝道存  
義利介析安然自處者何如也今先生集具在言所欲言利  
弊洞晰夫豈非其用世之業而鬱鬱自甘讀之者焉得不爲  
之扼腕歎慨矣乎余非于先生既歿追思述筆爲无居詩話  
六卷輿父以无居記屬非其雜感詩有曰龜鑑書當續丙丁  
是其未竟之志也非承意旨續爲之贈詩有曰白頭差負人  
倫鑑許爾橫山一伏雛非也敢負先生同事著書之始約乎  
哉集刻十二年乃訖工則安得並傳輿父所著如督學邵公  
所云云也同里後學吳非拜撰

妙四十九 附二序跋

六

吾鄉先正劉徵君伯宗先生以高義文章名世與吳忠節公  
次尾同時同里爲莫逆交當明之末流中原板蕩時事帖危  
吳忠節公倡立復社於南畿時出清議以維持國政徵君亦  
與抗席社中所交皆天下賢豪極一時國士之盛顧徵君抱  
道自重不事王侯高尚其志觀集中所上當道卻聘書洋洋  
數千言志決而詞婉品潔而行芳是必有樂乎斯道不屑以  
身之察察受物之汶汶者也然又不得以石隱之流膜然無  
情於世者同類而其議之也讀所上疆吏書慮時危而抒籌  
策躬戎陣而衛鄉閭悲天憫人之心猶惓惓不能自己殆所  
謂出處不苟居草野而不忘君國者邪其行誼載志乘儒林  
文苑傳中可按而稽也徵君生平撰述甚富有詩古文詞名  
澤桐集者當時已鈔傳於世歷數百年經兵燹之所摧殘原  
板久已燬失即文集之留傳亦如吉光片羽不可多得重可



慨矣同治己巳冬予以歲試返里奉先君中丞公命訪求徵君遺集因於坊間殘書中購得之歸以獻諸先君喜不自勝重加裝訂寶而藏之欲翻刻而不果茲因讀禮閒居反覆卒讀以為祕諸私篋隱而不彰何如公諸同好以垂久遠用特校而讐之付諸剞劂俾先生之文如日月經天如江河麗地彪炳常新當亦先生之志而先君之所厚望者也若夫貪夫廉懦夫立是在讀是集者之自為感發興起之又豈先生所能必者哉光緒十九年歲次癸巳仲春月同里後學劉世璋謹跋

嶧桐集參訂姓名錄

編纂西泠邵嘉瞻兩金川喻成龍武公京口包斌二允夏邱鄧世樸乾符嶺表姚子莊六康三韓張登進彙升連江陳元鍾孝受蘭水王爾綱紹李廣平申涵光晁鹽蘭水鄭思昱穉

妙四十九 附二序跋

七

默江寧黃虞稷俞邵繡水王概安節連江陳肇復問心三韓李燦君章東陽趙衍心遠粵東溫謙六吉營州裴國熙靈野淮上施有光爾賓蘭陵朱廷客我嘉北平田庶牧圉江寧倪燦閣公浦江虞邦瓊首林校讐貴池柯仲實琴泉李時男蛾曹風扶三羅雲逵遠伯羅夢熊男占男廷鑾廷蓋廷鑿廷厥孫漢系漢關漢胄漢絳漢儀漢俊漢仕漢佐漢傑漢位

附錄卷第二



附錄卷第三



二妙集五十  
邑後學劉世珩重編

吳先生名應箕字風之更字次尾明南直隸貴池縣人  
崇禎十五年副榜明唐王授池州推官監紀軍事兵敗  
不屈死年五十有二

國朝乾隆四十一年 賜諡忠節

明神宗萬曆二十二年甲午先生生一歲

是年九月十一日先生生於貴池縣興孝鄉

案劉徵君城撰先生本傳不詳其生卒之年月今攷先  
生抗節於順治乙酉其絕命句云半世文章百世人則  
先生正命時年踰五十也再檢樓山堂集第二十卷禿  
筆賦自序云予春秋三十族子諸文學觴之既醉臥齋  
中欲起而攬筆據文顧視其豪則已禿矣感為之賦遇

妙五十 附三民譜

一

注遇為先生之族子見集中是年為天啟癸亥以此上推則先生實

生於萬曆甲午也又二十五卷九月十一日生辰七律

首二句云嗟我虛生忽此辰每逢初度感風塵又先生

誕生月日之確證然則先生正命時蓋五十二歲矣

先生之考妣名氏皆不著本傳但云父某隱者家世習

儒證之先生集中及自撰留都聞見錄未冠而孤事太

夫人最久辭夫人姓李氏為同邑李首川先生之女李

時之姪集中有祭外舅李首川先生文蓋先生之師也

萬曆三十七年己酉先生十六歲

始應童子試於句容不售歸是時提學未分上下江應臺試於句容

萬曆三十九年辛亥先生十八歲

丁太公艱

萬曆四十一年癸丑先生二十歲



應臺試補博士弟子員是年上江分設  
提學考於池郡

萬曆四十三年乙卯先生二十二歲

始至金陵赴南都試未入場而歸

**時事** 挺擊案起

萬曆四十五年丁巳先生二十四歲

**時事** 黨人借京察黜王之寀東林門戶之禍始此

萬曆四十六年戊午先生二十五歲

至金陵應試不第

案留都錄言是科以主考失期初九日始入闈又自言

戊午至己卯歷場屋者凡八次此為先生應試南都之

始神宗崩在後年萬曆科場止此故集中己卯述歸賦

云惟神皇之季曆兮予奉檄而觀棘又云遽一試而軌

靡兮蹇予放乎中流又云次家舍而交承慰藉兮父老

妙五 附三吳譜

二

告予以歲年皆指是年初試事也

**時事**

大清兵克撫順 加天下田賦

萬曆四十八年庚申先生二十七歲

**時事** 神宗崩光宗嗣位詔以明年為泰昌元年踰月光宗

崩熹宗嗣位詔自八月以後稱泰昌元年 紅丸移宮案

起

案集中弔忠賦云鼎湖再泣皇冲深拱蓋熹宗時方十

六歲也

熹宗天啟元年辛酉先生二十八歲

再試南都不第是科主試者為黃立極黃儒炳

**時事**

大清兵取瀋陽遼陽

**詩文** 按先生存詩始於辛酉按年編目故未錄入僅錄文

之可考歲月者



案集中己卯述歸賦云予志道而遭下兮在再試焉猶不振又七言古吁嗟行云吁嗟我生二十餘學書學劍空踞躄前年上策不得報今年流落復如初皆指是年報罷事也

天啟二年壬戌先生二十九歲

時事 大清兵陷廣寧熊廷弼王化貞俱論逮

天啟三年癸亥先生三十歲

九月十一日先生三十初度族子諸文學觴之先生因著  
禿筆賦

時事 魏忠賢提督東廠

詩文 禿筆賦 賈榴說

天啟四年甲子先生三十一歲

七月至金陵三應南都試不第是科主試者李標姜逢元

妙五十 附三兵譜

三

時事 左副都御史楊漣劾魏忠賢二十四大罪旋削籍

杖殺工部郎中萬燝

案是年春吏科給事中缺阮大鍼次當遷高邑謀於應

山梁谿卒轉魏大中大鍼憤甚乃附忠賢與閹黨為死

友東林諸君子絕大鍼自此始

天啟五年乙丑先生三十二歲

時事 封疆獄起逮楊漣等下獄死熊廷弼亦棄市 榜東

林黨人姓名於天下

天啟六年丙寅先生三十三歲

秋冬游中州訪王乾純先生於汝寧遂留署中度歲

時事 作三朝要典 逮周順昌等六人下獄死高攀龍自

沈於池

天啟七年丁卯先生三十四歲



歸自汝寧秋至金陵四應南都試不第是科主試者陳其慶張士範

**時事** 熹宗崩莊烈帝嗣位 魏忠賢伏誅

**詩文** 真陽驛與汝寧守王乾純先生書

莊烈帝崇禎元年戊辰先生三十五歲

是年婁東張天如吉士溥與張受先大令采始倡復社之

會於吳中江以上則先生及劉伯宗徵君城江以下則楊

維斗解元廷樞夏考功允彝陳臥子黃門子龍皆預焉一

時目為小東林

**時事** 毀三朝要典 陝西流賊大起

崇禎二年己巳先生三十六歲

先生著兩朝剝復錄至南北二京察止

**時事** 定逆案 大清兵入洪山口克遵化遼督袁崇煥率

妙五十一 附三吳譜

盜錦兵入衛未幾下詔獄 罷錢龍錫

崇禎三年庚午先生三十七歲

秋至金陵大會復社名士又與同里劉伯宗舉國門廣業

之社五應南都試不第是科主試為姜曰廣陳演

**時事** 大清兵東歸 殺袁崇煥速錢龍錫下獄遣戍

**詩文** 季行季詩序

崇禎四年辛未先生三十八歲

東游吳越有詩曰前東游草

**詩文** 江南弭盜賊議 平物價議 上郡守孫公論考童

生薦名書 小試單騎詣敵論

崇禎五年壬申先生三十九歲

是年儀部主事周鑣疏論不當專任閩宦削籍歸先生聞

而壯之遂定心交



崇禎六年癸酉先生四十歲

夏至金陵再舉國門廣業之社主之者為楊龍友文驄方

密之以智秋謁陳少保于庭與陳定生公子貞慧冒辟疆

公子襄訂交六應南都試不第是科主試為丁進蔣德璟

冬丁太夫人憂

**書文** 上嘉善錢相公書 與周仲馭書

崇禎七年甲戌先生四十一歲

夏再游吳越有詩曰後東游草新建蘇桓為之序為書林

刪選房牘數月始歸

**時事** 流賊分犯湖廣江北

**詩文** 崇禎甲戌房牘序 歷朝科牘序 張爾公詩經程

墨文辨序 復揚維節國博以任書

崇禎八年乙亥先生四十二歲

妙手 附三吳譜

家居自癸酉葺園於舊宅萬山中至是始成自題曰暫園

流寇至江北池州戒嚴致書當事論防守事宜

**時事** 流賊陷鳳陽廬江巢縣無為州圍攻安慶桐城

**詩文** 與徐令公論流賊防守兩書 復王乾純先生書

暫園記

崇禎九年丙子先生四十三歲

春服闋夏至金陵三舉國門廣業之社主之者嘉興姚北

若潯訪周仲馭於茅山不值晤張受先秋與冒辟疆陳定

生顧子方景大會閩難死事之諸孤十三人於桃葉寓館

惟應山楊公子未至時懷盛阮大鍼因避寇來寓居遂起

留都防亂之議七試南都不第是科主試者為李建泰王

錫衮擬進策凡十事又草兵事策時務策周仲馭為之序

同里劉伯宗舉賢良伯宗上書當道舉先生自代力辭不



許

**時事** 大清兵入昌平口八月東歸

**詩文** 擬進策十篇 兵事策十篇 時務策七篇 令文

士試騎射對 上鄭太宰元嶽先生書 與顏徵士書

國門廣業序 詩經程業文辨序 書木末亭酒閒語

崇禎十年丁丑先生四十四歲

夏三游吳越自新安抵杭州遂溯湖州嘉興至蘇門之虎

邱凡數月歸有詩曰丙丁集劉伯宗為之序 是年長子

孟堅生

**時事** 流賊犯安慶

**詩文** 陳百史古文序 崇禎丁丑房牘序 杭州書某孝

廉事 虎邱書禪僧講經事

崇禎十一年戊寅先生四十五歲

妙五十一 附三吳譜

夏六月東游梁谿主顧子方家凡兩月游錫山謁道南祠

與子方合刻梁谿唱和集周鑣為之序時陳定生亦至示

以沈眉生劾楊嗣昌奪情疏遂及大鉞於是先生與子方

成留都防亂揭八月至宜興主陳公子定生家約游南岳

以十五日往看月四日歸有南岳看月記留一月溯毗陵

華陽歸里 是年次子穉圭生

**時事** 大清兵入牆子嶺宣大總督盧象昇戰歿

**詩文** 與田令公論鄉中糶穀事書 與程子尚論性書 與

孫碩膚職方書 與徐虞求通政石麟書 致金天樞侍

御光宸書 道南集序 梁谿唱和集自序 南岳看月

記 定生書畫扇記上 題交游書牘手卷後

崇禎十二年己卯先生四十六歲

正月刊播留都防亂揭先生應科試於郡邸安慶就試者



方密之等同至郡中先生與羅季先劉德興集而觴之有  
池陽郡邸分韻集之刻先生自為序按夏譜云與劉伯宗  
梓之伯宗於戊寅八月入都應薦辟試在真如寺度歲而  
春四月出都無由己卯正月在家之理蓋因先生有與羅  
子劉宗集而觴之一語談以夏六月到金陵與歸德侯公  
為伯宗而不知為德興也夏六月到金陵與歸德侯公  
子朝宗方城定交時四舉國門廣業之社主之者先生與  
陳定生凡揭中之一百四十餘人大半入會中周仲馭亦  
至焉於是留都防亂之揭傳播南中大鉞欲求解於侯公  
子不得遂與社中為仇秋八應南都試不第是科主試者  
為張維機楊覲光陳定生之子其年維崧來受業冬汎舟  
而歸著東林本末成定樓山堂初稟周仲馭張芑山自烈  
為之序又有詩曰己卯集陳子龍為之序

**時事** 大清兵由青山口東歸 楊嗣昌督師討流賊

**詩文** 上督學全楚覽書 復顧子方書 答陳定生書

妙五十 附三吳譜

答友人論留都防亂公揭書 四書大全辨序 池陽郡

邸分韻序 述歸賦

崇禎十三年庚辰先生四十七歲

夏游金陵歸在暫園避暑作園居賦冬至郡邸度歲著熹

朝忠節死臣傳成自序

**時事** 逮江西巡撫解學龍及黃道周下獄尋遣戍

**詩文** 園居賦 木山蜂房賦 憫亂賦 旅中除夕賦

崇禎十四年辛巳先生四十八歲

與劉伯宗謀移家夏至金陵又旋貴池留當塗度歲

**時事** 李自成陷河南殺福王常洵 張獻忠陷襄陽殺襄

王翊銘 楊嗣昌自殺

**詩文** 老媪賦 雪竹賦

崇禎十五年壬午先生四十九歲



春自當塗返金陵夏社中人先後並集時漳浦黃忠端公道周謫成過金陵寓石城橋先生謁之過從半月六月至丹陽送周仲馭北上凡十日而返九應南都試中副榜是科主試者為何瑞徵朱統錡副榜得人最盛冬歸貴池留里中度歲

**張獻忠陷廬州**連陷舒城廬江含山巢無為六安南都大震起馬士英總督廬鳳軍務 李自成決河灌開封

大清兵克薊州連下畿南山東州縣

崇禎十六年癸未先生五十歲

春自貴池返金陵時左良玉兵東下南都震恐熊大司馬明遇請侯公子朝宗馳書止之而阮大鍼揚言謂侯實召左兵侯即去適李忠肅公邦華內召過九江檄告良玉止其東下並檄九江補缺餉十餘萬良玉兵遂旋楚先生仍

妙五十一 附三吳譜

留金陵度歲

**關**夏 大清兵出口 張獻忠陷武昌 李自成破潼

關遂陷西安

**詩**與袁臨侯開府書 劉伯宗癸未詩序

大清順治元年甲申先生五十一歲

是年為明崇禎十七年二月真定陷先生移家歸貴池仍  
在山中三月十九日闖賊陷京師明帝殉社稷五月五日  
始聞變與劉伯宗哭於野福王即位於南都改元弘光鳳  
督馬士英以定策功入閣薦起廢籍阮大鍼六月定北都  
從逆諸臣罪案周鍾預焉大鍼追憾揭事將按揭中姓名  
盡殺之八月逮故禮部郎中周鑣下獄先生時在山中聞  
之亟走金陵與陳公子定生謀救之留一月獄日急傳言  
大鍼且將甘心於先生及定生先生方視仲馭獄中大鍼



遣緹騎捕先生跳身出走而定生已為緹騎縛致鎮撫獄先生又會侯公子朝宗於燕子磯謀救仲馭及定生侯歸揚州先生亦溯江歸貴池仍居山中

**書** 答客問五篇 討從賊逆臣檄 書筵弟篆刻圖後

順治二年丙戌先生五十二歲

是年為明弘光元年先生致書袁臨侯繼成劉東平澤清

為仲馭解四月左良玉率兵東下以討馬阮為名馬阮謂

周雷實召之遂誅從逆諸臣周鍾等周鑣雷演祚賜死獄

中良玉兵至板子磯為黃得功所破良玉死其子夢庚舉

軍降於我 大清五月 大清克揚州史閣部可法死之

渡江金陵降弘光帝出走南都亡先生時在山中為文三

祭仲馭而哭之閏六月金忠節公聲起兵於績谿先生亦

起兵池州以應之時公奉唐王紹武正朔承制授先生池

妙五十 附三吳譜

九

州推官監紀軍事秋攻郡城不克退駐泥灣以計復建德

東流等縣九月金忠節公敗於績谿執至金陵不屈死冬

大兵攻泥灣兵潰走山中遂被執行至距郡十餘里之

石灰沖賦絕命詞弗去巾幘從容就刑持其首入國門如

生歷三日不變受刑處血跡經風雨亦不去二子長孟堅

年九歲次稗圭八歲為劉伯宗所匿而免

國朝乾隆四十一年 賜諡忠節

**詩文** 中興論十篇 祭周仲馭文三篇

先生二子孟堅稗圭孫本忠銘孝銘節銘義銘道銘德

貴池高田吳氏世表

椿林

國珍各思周

號應箕

字孟堅

字本忠

伯永準

字冠

風之改班號小丹諸生公

崇禎十五年

銘孝仲永讓



榜貢生  
入配李孺

達諸生

公永直字  
質

永慎

公永鼎字  
定

公永範字  
洪

銘節字  
叔永謙字  
自

大郡諸牧

銘義字  
季永寬字  
弘

上諸生度

公永重字  
任

起永振字  
嗣

臣永強字  
嵩

抑永畏字  
表

存永澤字  
風

績永嘉字  
爾

妙五十附三吳譜世表





妙手附三氏譜世表

韓雅圭  
又字

十一

銘德  
明字

銘道  
古號復  
雪山古  
民

受永禮  
大字

士永勅  
勅字

永亮  
顧諸生  
隆

永威  
羽諸生  
鳳

軍永勇  
冠字

秋永年  
千字

永定  
千字



吳次尾先生所著書

國朝紀事本末

據劉廷鑾序 案此係未成之書 三大征本末 東林本末皆在其中 麻城梅氏刻 未見

東林本末六卷

今存夏氏刻本三卷 四卷誤 安徽通志作

庚辛壬癸錄四卷

佚

啟禎兩朝剝復錄十卷

存

留都見聞錄十三卷

今存夏氏刻本二卷

讀書止觀錄五卷

存

盛事集三十卷

佚

友鑑錄二卷

佚

安徽通志作友鑑誤

讀書鑑二卷

佚

讀書種子二十卷

佚

續觚不觚錄二卷

居易錄曾引之 未見

妙五 吳著書目

十二

國璋集

佚

櫻山堂集二十七卷

存

後東游草

丙丁詩

己卯詩

吳願倡和詩

以上均有刻本現散編入全集

吳孟堅所著書

宋史編年斷略

南渡紀事

吳銘道所著書

古雪山民詩集八卷

附錄卷第三



附錄卷第四

年譜

二妙集五十一

邑後學劉世珩編輯

劉先生名城字伯宗明南直隸貴池縣人曾大父岐官直隸河間丞大父正蒙官河南湯陰丞父光謨字觀明

萬曆歲貢授浙江處州府通判案七絕有童子時在處州飲酒甚甘不知其為

金盤露否是先生少時隨任也署青田縣事多惠政民無逋賦監造漕艘於杭州計材程工徧恤軍力擢廣西養利州知州告

歸敦睦族黨修舉廢墜建清谿二生祠見江南通志母

柯氏柯柄之女無子以同產弟之子城為嗣觀明崇禎

癸酉卒柯先卒於庚午事見譜中本生父光謙處士母

王氏先生崇禎十二年由諸生薦舉考授郴州知州皖

撫檄任九江同知均不赴鼎革後改字存宗隱於峽川

完髮以卒年五十有二永曆己丑桂林詔授給事道遠

妙五十一 附四劉譜

體 一

未達黃文煥沈壽民等私謚貞文

明神宗萬曆二十六年戊戌先生生一歲

是年六月二十四日先生生於池州郡城魚市狀元坊前

俗呼試門口 稱試門劉氏

案本集季行季遺詩序萬曆之甲寅余始交行季時余

年十七甲寅為萬曆四十二年以此上推十七年則萬

曆二十六年戊戌也又漫成詩昔賢辛丑稱為艾丁亥

今年我亦然矣是丁亥年先生正五十也案戴移孝雲仙雜記跋云徵君

辛酉年作是歲徵君二十有三矣然據蔣臣事略季行

季詩序及漫成詩先生實生於戊戌至辛酉年二十四歲

萬曆三十八年庚戌先生十三歲

從青田厲先生立身讀

萬曆四十二年甲寅先生十七歲



子廷鑾生披樓山堂集有婆護歌為劉與父作甫九齡也是年為壬戌逆數之當生於是年

萬曆四十六年戊午先生二十一歲

見鍾伯敬先生論詩 子廷鑾生

天啟元年辛酉先生二十四歲

**詩事** 大清兵取瀋陽遼陽 魏進忠矯詔殺王安

天啟二年壬戌先生二十五歲

**詩文** 猗園詞 孺子歌代婆護奉酬次尾之贈古

天啟四年甲子先生二十七歲

**詩事** 魏忠賢專政左都御史楊漣抗疏劾忠賢二十四大

罪削籍黨禍始興

**詩文** 遙哭萬郎中原五言 長律

莊烈帝崇禎元年戊辰先生三十一歲

妙五十一 附四劉諧

先生入吳門婁東張天如吉士傳與張受先大令采始倡

復社之會楊解元廷樞夏考功允彝陳黃門子龍皆附之

江以上則先生與吳次尾監紀預焉一時有小東林之目

**詩事** 邱贈死璫禍諸臣 秦中流賊起

**詩文** 虎邱坐月律五 答張西銘溥 虎邱見贈兼致張來章采

崇禎二年己巳先生三十二歲

**詩事** 大清兵入洪山口克遵化薄京師

崇禎三年庚午先生三十三歲

秋應南都試不第又與吳次尾許德先蕪湖沈崑銅

士 舉國門廣業之社上下江名士畢集而先生為之倡

柯宜人卒

**詩事** 大清兵東歸 增田賦

**詩文** 李行季遺詩序



秦淮社集分得六魚五 庚午早春聞退消息二首五

案明南子監六堂首曰廣業積分之法皆自廣業逸升

至率性始試以文學經義一歲積至八分者貢入京師

是年合百十人為雅集先生主之並約以自後三年一

舉行更番主會

崇禎六年癸酉先生三十六歲

春游九華夏歷南都再舉國門廣業之社 觀明公卒

詩文春秋左傳地名錄序 春秋外傳國語地名錄序

曾房仲詩序 癸酉程墨選序 楊維斗稿序

九華雜詩七律

崇禎七年甲戌先生三十七歲

游南都與章大力世純訂交報恩寺

是年徽安池兵備道兼管糧務江西按察使副使銜史公

可法來駐池州按貴池縣志隆慶六年設兵備道於池州

詩文流賊自陝西分犯江南江北湖廣

詩文陳大士易鼎序

崇禎八年乙亥先生三十八歲

春流寇陷鳳陽圍攻安慶桐城池陽戒嚴先生作池州防

守議三篇上之當道不省

詩文池州防守議三篇

雜詩五古 答方密之七律 讀和州失城本末有感 諸將

三首 數詩雜體 十二辰體歌

崇禎九年丙子先生三十九歲

吏部議舉孝廉詔下安池道史可法江西右布政使張秉

文以先生應薦辟先生上書言不如吳次尾者數事請以

自代不許

妙五十一 附四劉譜

三



**時事** 大清兵入喜峰口旋東歸 虛象昇敗流賊於滌

**詩文** 上池大道史公辭免選舉書 上池州郡守石公舉

吳次尾自代書 香烈祠碑

過姚北若 辭五言 長律

崇禎十年丁丑先生四十歲

是年兵備道由池移蕪湖

**時事** 流賊犯安慶

**詩文** 辭江西方伯張公 秉文 薦舉書 再與張公書 答

黃赤子論保舉書 出門偶集序 解惑篇

勵志詩 言四

崇禎十一年戊寅先生四十一歲

春池州大旱繼以大水歲饑人食白土秋應召到京師寓

真如寺脫資贈黃詹事道周 因劾楊嗣昌削奪 成御史勇 因劾楊

獄 陳晉州宏緒 不納劉宇亮 與米吉士 壽都 梁公狄 以樟

王敬哉 崇簡 申孚孟 佳脩 陳吳昭 丹衷 孫伯玉 吉甫 馮躋

仲京第 交

**時事** 大清兵入牆子嶺下畿輔城四十八

**詩文** 北征草序 封疆局面說

北征早發 古五 舟行書所見 連日讀陳士業詩 到白

門答萬茂先望月賦贈 酬萬茂先送輿具兼問疾瘳 與吳駿公偉

答周農父 波 山東贈張鍾陽方伯 秉文 與吳駿公偉

業 凌龍翰 駟 陳吳昭 丹衷 見過 贈孫魯山 晉 贈申

公素園 佳脩 與胡吉雲 守恆 上元曲 古七 苦旱歌

大水歌 食土行 空倉鵲行 聞鄭大司寇 三俊 蒙恩

出獄 與陳大士 簡章大力 與楊機部 贈米蔚園



贈盧德水

世淮

米吉士

壽都

漫園

英山行

王正

二日吳湯日

道新

北上渡江話別

五律

寄周勒自立勳兼

訊徐開公

乎遠

采石得眉生書因懷仲馭

用韻答魯

孺發

揚州

高郵道中

清江浦重九贈主人

贈大

理葉公

成章

贈馮躋仲

都門逢青陽熊文語舊賦贈

用壁間韻

姚都諫以抗言兵事左遷諸公贈詩和韻送

別

昌平道中望陵後諸山

恭謁長陵

行經昭陵

恭謁定陵

萬壽寺大鐘

玉泉寺

呂公洞

香山寺

碧雲寺

秘魔崖

臥佛寺

過武清侯故第

劉羽

長

之風

大行索題其隱德錄

西隄道中

贈答孫松石

太僕

三傑

答李括蒼太史

建泰

答張季茂

聞黃宮

詹劉趙兩翰林謫譴

七律

答雲南王升如

開

答熊仲平

渡黃河

輿中雜詩

德州逢李小有

寓慈氏寺

妙五十一

附四劉譜

五

六日寄家書

畿南雜詩

賦得獨奏邊機出殿遲

贈

丁天心

時學

簡汪長源

律

投馮鄴仙

元賦

夜詩

集行人張來初齋中用韻

苦寒有感疊韻重贈

和入寒

張來初

借人煖耳追和謝方石李西涯王鳳洲諸公韻

聖節日

送楊職方

廷麟

軍前

真如寺守歲

崇禎十二年己卯先生四十二歲

春就吏部試注官湖廣郴州夏初返南都應鄉試不第秋

回里冬復之南都在吳次尾寓度歲約同里吳非共著書

大清兵下山東十有六城旋由青山口東歸

燕臺集序

上下

梁公狄稿序

王升如時文序

祭

山東方伯張公

秉文

文

己卯春暮與孫松石生語以同道為朋為韻

古

次韻奉

酬盧德水見送南還與魯山共載詩

和孫魯山出都門

望

望

望

望

望



道中 德州道中大風 嶧縣早發 盧德水奉命巡漕  
再次原韻寄之 望嶧古七 恭謁孟廟石象 魏侍部 國太夫人 贈

鄭休仲 河閒道中一日驟三蹶感懷題壁 酬王敬哉  
崇簡 贈別五律 再題任邱壁 汶上題壁和李小有韻

感懷未已再疊前韻 元日七律 王正二日逢季小有自  
廣平至時與城守事四十日矣 春日畿南雜詩 詩入

史玄納姬都門自命曰傾城悅名士盧公德水首唱一章  
次韻贈之 雪朝懷朱白石七律 退贈孫碩膚 弔

督師盧公象昇 中書朱湛菴常涓 王孫奉使謁孝陵舟  
泊白下為我載都門所購書數百卷見還且將從故里過

也感贈七字句 逢陳定生貞慧 於秦淮時攜其令子維  
同止書舍 和東何舊縣題壁詩六言 謝恩感述七絕

白溝河題壁和韻 高唐州竹枝歌 抵南都寓靈谷寺  
妙五十一 附四劉譜 六

已卯初夏返自都門友人孫克威賦徵車回十章見訊  
依韻奉答十首 為顧與治題滑稽酒隱圖分賦 九日

抵家 唐宜之右史之襄陽見過劇別 撥悶復之金陵  
舟中漫興

崇禎十三年庚辰先生四十三歲  
春過揚州再上京師復回江南

樂府 今樂府 琴操 晤江都歐陽宰即日具舟邀游  
城北得齊字五律 揚州上方寺 將游平山堂沿郭一路觸

目交心 夏初過馬頭 感事贈宮詹黃公東崖 補梁  
公狄夢中句 感事用韻重與密之 弔張德璋 除夕

答次尾 寒食到江都喜與孫大宣晤語七律 宿歐陽憲  
文蒸 公廨中兼喜晤其令子 孫氏園亭 同孫日乾釋



雪耕出郭乘小舟至梅嶺游覽登官梅閣 漫園懷米友

石太僕長律 三過揚州與鄒幼惠絕 紅花旅店題字

滿壁皆主人索書者感賦 白鋪至訾家噎道中 長途

舜祠 望泰山三日至杜家廟大雨 過齊河 曾竹君

筠同羅文止萬藻 先余出都歌四闕送之

崇禎十四年辛巳先生四十四歲

歲海饑游杭州嘉興編何來集

**詩文** 答鄭公二陽 救荒書 答皖撫鄭公搜關張文字書

再答鄭公書

王正四日詣柯賢甫先生語及余除夕元日詩律 傷逝

後傷逝 答徐州曹澹如過訪 送澹如還彭城用前

韻 寒食 鹽官贈錢虞鄰陳靈遠 辛巳元日律 元

日書懷與文尾以其有移家入都之約 連日感歎與柯

賢甫之來 空堂 孔璋 同朱雲子隗入華山道中雜

詠 虎邱月夜程穆情選 過語 姜如須城 乞假南游結

班荆社余為作詩

崇禎十五年壬午先生四十五歲

皖撫黃配玄檄任九江同知辭不赴時徽安池兵備道程

世昌移駐池州

**詩文** 張獻忠陷廬州 大清兵入薊州連下畿南山東州

縣

**詩文** 奉常羅公掖垣奏疏序 鄭公奏議楚餘草序 南

雍七子詩序 祭張天如文

申公移居古 即事律 得次尾書卻寄 黃石齋先生

同涂德公南吉 以戍出都至白下律 送黃先生戍楚自蘭

水匡山湖流上永 聞陳百史還自黃州泊清谿見訪上



余先隴留書見懷 南大司馬范質公先生諫誦歸里詩

贈光祿吳公 奉別皖臺鄭公潛菴去京口得衣字

陳阜昭 丹衷 數以漢宋舊物見遺 吳眾香 翻 許出藏書

借讀因賦贈示其兄弟 又遇石齋機部靜海寺中 孝

陵道上感懷 有懷戴敬夫 重 時卜居銅井陶窰 泊荻

港遇子鑾來自銅井因聚鄭公舟次 驚聞河決開封偶

讀汴京遺蹟志擲筆成詩 吳緒情 應 將以周仲馭書

入永謁石齋先生作此送之 答白瑕仲 瑜 依韻奉和

軍城夜坐 皖歸 守歲

崇禎十六年癸未先生四十六歲

春左良玉兵東下池州戒嚴兵備道光山程公督兵城守

左兵退始解嚴成癸未集吳次尾為之序

詩文 答皖撫黃公問左兵書 答貴池令林公本縣江防

書 祭李源管文 抄五一附四劉譜

中秋前一日程公招同鄧東之燕集齊山得避字 丑 程

公集齊山令弟際甫留署中不出賦此用避字 齊山翠

微亭為程公落成同用避字 齊山探左史洞至史巖

紀事答問 淮上行 七 官鹽行 人日齊山 律 遂上

翠微亭是程公修復者 偶憶李獻吉有癸未中秋不月

詩今夕既雨兼更月食追和悵然 九日漫懷 贈吳發

若 渡江感事與范小范 又 元且有感 律 又聞楚

警 雨中送子鑾之湖州先過九華 警至 危城雜作

對書而歎 湖州健卒至 以詩代書寄子鑾若水 城

上作書答胡文瑜 士瑾 沈考叔 彥章 見憶 得嚴子觀 渤

兄弟書因憶西泠諸友 萬戶 兵後 遂飲酒賦詩

過北門倚園 重送王鍾淑 芝瑞 提學赴蜀 買牛 胡



嗣立司訓吾邑有秋浦游覽諸詩因贈 贈撫軍黃公元成 贈安慶司理來公元成 與杜總戎 張將軍以舟

師防守吾池贈之 金線隄文光 將軍過話因感歎張二

無璋 中丞金張嘗共事粵東 十月五日懷集令李小有

盤以外艱歸停舟訪余與程公即夕南發 寄題石船山

顧夫人祠用方憲副孩未震種 為李小有悼亡韻 舟

中書示吳山賓 除夕簡柯賢甫之來 先生兼食為餉時

年七十有八 送別廣文沈玄贊先生七言

大清順治元年甲申先生四十七歲

是年明崇禎十七年巡按賀登選特疏薦未報三月十九

日闖賊陷京師明帝殉社稷夏五月福王即位於南都改

元弘光四日池州始聞京師凶問先生治木扶櫬以死自

誓二十一日哀詔到與吳次尾哭於野秋旋金陵作茅山

之游 子廷鏊生

**詩文** 上閣部史公書 答貴池令本縣江防書 池州防

守後議 旌忠錄序 讓帝忠國臣紀序 曹靜娥傳

公祭孔文忠文

茅山宿元符宮道院古 忠孝詩七 相逢行 五月初

三日聞變律 大行皇帝詔至池州 追恨詩 九日荻

港 茅山道中看紅葉 山趾懷望 上山歷華陽洞曲

水池喜客泉 二十四日是先帝萬壽節 讀都諫吳忠

節公絕命詩七 太僕申節愍公輓詩 秋杪同張菊人

芳游茅山懷李小有盤 有約不果 游茅山歸呈潤生明

府 霜降日小有招同曾庭聞傅 張菊人芳 天生三石

兩季校書煙鬟佐酒同用煙字次小有韻 漫成七 茅

山雜詩 漫成 崇禎宮詞 小除夜西江友人吳石卿

九

妙五十一附四劉譜

長律

七言

古

七

律

古

七

律

七

律

七

律

七



守歲余家 除夕

順治二年乙酉先生四十八歲

是年明弘光元年夏左良玉兵東下池州戒嚴五月南都  
破避兵至湖州秋旋里吳次尾起兵於泥灣為 大兵所  
執不屈死於石夾冲先生就峽川山居改字存宗

爵文 答程撫軍辨張亞子書 謝樗全畫聽松圖題後

自說

樂府變 乙酉春童謠 乙酉首夏至南都以近事寄示

子鑾五言 斷頭歌七 瓊花引 後瓊花引 峽裏大

風歌 乙酉首夏與戴敬夫決策去金陵律 居敬夫石

曰湖寓舍贈其長公本孝用多字 旋泊丹陽湖憶吳空

之劉冲 湖州忽逢孫新齋廷評攜家茗水在此 懷吳

山賓 答吳山賓見懷賦得欲問平安無使來次原韻

抄五十一附四劉譜

十

答吳山賓喜余書至賦得消息真傳解我憂次原韻 答

山賓 子鑾以次尾子長魯至 歲暮答空之 即事

送山賓歸高田屬以次尾後事 聞蔡州侯不及待余而

去寄語悵然余歸自南都贈之以句蚪侯故金谿相國子

七 柯先生八十之來 贈嚴別駕柳風 雪夜寄上程

撫軍世昌 燕陰 送劉壽次星耀 司理之任武庫 長慟

詩 初歸就峽川山居 峽居 偶成 九日雨甚 漫

成 恭聞 人送白菊 克捷 冬杪雜成 贈柯君

久欲報鄭公書有近聞賦此 記答次尾語五言 元日

喜劉及叔蘇 還蜀見過五 三日雪與李廣文 送雪上人

游天台 喜康三一薙髮為僧 題畫遣江生獻用江字

金陵重怨曲

順治三年丙戌先生四十九歲



居峽川憒一室上漏下溼誓不入城几上惟離騷經及淵  
明皋父所南諸集夏游挑波季秋再游

尚寶孔君哀辭 吳大尾先  
生傳

春兩歎古 寄題韡韡齋次原韻 德先屢顧余山中用  
韻贈之 德先與我山右諸志再用韻贈之 禽言 游

杉山水竹谿放歌 別杉山蒙公 歲行盡矣廚饌蕭然  
適舒生汪生遣信齋糟緞鹽編豚蹠巨鯉蔬燭諸物至戲  
為長歌 後孤兒行為麻乾齡作 二日雨雪<sub>律五</sub> 泥飲

晴步 日望山賓至以近事相語 門人輩傳次尾題  
壁遺詩余以命其子長魯誦輒上口了了明日問之諷對  
無一遺誤因有此作 答劉引之來問近事 松寮山寺

上天堂菴 天堂菴 寄吳子相 杉山喜逢諸子

妙五十一附四劉譜

士

鎮國寺覽眺得次尾壁閒詩 水竹谿 伴雲菴高處  
送子鑾之金陵 得子鑾金陵書稍聞近事見其沿途新

詩 寄子鑾金陵時寓報恩寺 明覺菴 哭史公六首  
用晞髮集韻 哭黃先生六首用晞髮集韻 哭戴敬夫

六首用晞髮集韻 峽川谿閣 感事 鮑甥可大來山  
中 西山尋宋蹟 哭麻孟璿用原韻 元日口號<sub>律七</sub>

上元即事效俳體 是夕未夜半風雨大作感賦 寄懷  
劉引之<sub>光衍</sub> 用來韻 蒙公藏經閣是杉山稱燕窩處

山之作次原韻 聞蘭水消息 寄白門余澹心<sub>懷二首</sub>  
秋感憶子鑾 感懷 重寄子鑾 寄懷林茂之次來

韻 重寄茂之仍用前韻 萬羅山與鄭公話別

順治四年丁亥先生五十歲

劉譜



居峽川 子廷厥生

游暑序 師子問字詩序 汪漢字序 游曹山記

李愨傳 鮑主簿墓碣 李母金孺人哀辭 署池州

府監紀軍事吳公誄

蘆人謠 病中四首 上曹山 下曹山 查村 始

至俞菴 行眺 村塾 湧泉寺 水漲 漲後 徐生

章生先後來過 兩章生來移余湧泉寺 子鑾偕吳山

賓自峽川至湧泉 廿四日諸子畢集湧泉 寺後看泉湧

處 姜生先後至湧泉 春日漫興 正月二十六日

莫山賓以長魯至同用衫字 二月二日寓樓觀雪山賓

朗吟急雪舞迴風之句因各賦一詩 徐生 以數詩見

訊索贈漫興答之 乙酉四月余在金陵長干寺何生見

過不值歸遇塗次有詩見貽追和 何寤明 煙見懷有作

以近狀答之次來韻 聞孫魯山以為僧至自台州不及

晤余貽詩而去用韻表答 苦雨遣懷用衫字 漫興效

八音體 用八音體自賦 雨寒即事用八音體 即事

汪生授經峽川兩久不數見戲為簡此 始聞孫武公

訃哭之 魯山有述恭賦 答吳山賓見貽五十詩次韻

初度雜感拈得九青韻 初度山行答李敬仲 慈 食

鱗魚 僧房再看湧泉處 和尚峰 古鐘介地 夜

坐 游仙姑洞 章去謀再攜尊至小飲樹下 出俞村

題贈楊園 師姑橋 望自己山 楓樹嶺上松 麟

麟山 過隱子山 峽中人云自己山實寺基而訛也要

皆不可考 三年三度三絕句 舒生巢友貽我筆牀一竹

制精好有感而賦 饒烈婦歌 李男蛾來顧山中三宿

始去賦別 寄答蔡大美次來韻郵之者孟璿子乾齡也

妙五十一附四到譜

三



寄題鄭公雲影菴 聞黃老山姜之熊過峽川 報諸  
游好 除夕前五日汪生漢訪我山中信宿賦別 漫成

順治五年戊子先生五十一歲

居峽川仲春游桃波

**詩文** 非箴 錄聞聲唱和詩序 游桃波記 游殷村記

墮星石記 古仙洞記 游大樓山記上 大樓山崩

石記 峽川山水記 鄭氏傳

後廬人謠 桃波歌社 殷將軍墓歌 斷碑歌 大樓

山歌 古仙洞歌 大樓仙洞相望圖歌 游萬羅山歌

曹烈女歌 欲雪行送山賓還高田並示長魯兄弟

雪中送兒充役歌 以詩代書寄山賓兼問高田近事律五

戴敬夫次子移孝亦僧矣來過留數月送之去兼致長

公本孝 鮑甥可大同住萬羅山中始終游事者五日乃

妙五十一 附四劉譜

三

各別去 和子鑾枕上聞聲詩 和山賓樓夜雜聞詩

除日得和州戴本孝書及所貽詩畫即便寄答并問其弟

以僧服歸者 羅季先尚甲 維旃 夢旗 男占 夢熊 見過峽

川七 隱莊頌六 大樓山 桃波 洞口

順治六年己丑先生五十二歲

居峽川 粵西召先生為給事魯元藻薦也

**詩文** 何來集序 醫者甯君七十序 吳文學墓表

元日小飲孫漢系輒呈二詩喜有此作律五 再用韻戲示

漢系勉之 人日見持折枝梅者有感因憶漳浦公丙戌

有是日 帳勉觀梅花詩追次其韻 蹋青節有感 和山

賓作 寄懷方淑人 寄吳緒倩湧泉寺 姜生可久來

過有感贈別 空之五十詩 和遠公湖居詩 即事感

懷 藏書亡戲成 中秋薄暮柯生招余及子鑾孫系小



酌待月因憶山賓高田 山賓貽新粟到 作客峽谿柯  
生歲一送菊余亦歲報一詩昨年菊至而病緒廢吟今當  
九日又復分貽感此黃花之來陋彼秋雲之薄為賦律句  
謝與歎俱 半開白菊 柯君再送白菊仍半開者 和  
答山賓子相九日登高見憶之作 答陳秉文書問 寄  
懷王公儼 黃菊一本獨晚開 答周女為兼簡農父子  
韻

順治七年庚寅先生五十三歲

居峽川三月二十五日卒私諡曰貞文

黃文煥沈壽民等  
有私諡改諡議

詩文 胡孺人五十序

新歲四日送子鑾之高田

伍 容秋吳少友過譚數日贈

詩 四章用韻以答 已矣

嶧桐集文十卷詩十卷和州戴移孝編先生無兄弟集

妙五十一 附四劉譜

古

曰嶧桐取嶧陽孤桐以為名

先生夫人王氏四子廷鑾廷釐廷鎰廷廡孫十人漢系

漢關漢胃漢絳漢儀漢俊漢傑漢佐漢仕漢位

貴池試門口劉氏世表

岐鳳號

正蒙字

光謨字

城字伯

廷鑾字

漢系

石溪官

正蒙字

光謨字

城字伯

廷鑾字

漢系

河間丞

正蒙字

光謨字

城字伯

廷鑾字

漢系

湯溪丞

正蒙字

光謨字

城字伯

廷鑾字

漢系

江通判

正蒙字

光謨字

城字伯

廷鑾字

漢系

廣西

正蒙字

光謨字

城字伯

廷鑾字

漢系

利州知

正蒙字

光謨字

城字伯

廷鑾字

漢系

漢初師

正蒙字

光謨字

城字伯

廷鑾字

漢系

廷鑾字

正蒙字

光謨字

城字伯

廷鑾字

漢系



妙五十一 附四劉諸世表

濟諸生猗

漢關字躬稼大

玉號崇田

廷鑿字躬植黍

三諸生友號雲堂

漢儀字躬穡既

如登

漢傑名躬秩天

遵字超昇

萬號雜

廷厥字躬標綿

四號訥臣號雪其

躬材字秀

書諸生

漢仕字躬秉字執

人號履

躬桓字執

義

躬本字執

德





劉伯宗先生所著書

春秋左傳人名錄六卷

春秋左傳地名錄二卷

春秋外傳人名錄二卷

春秋外傳地名錄一卷

古今名賢年譜二十卷

池州雜記八卷 以上見通志均未見

嶧桐集二十卷 存

古今廟學記

古事異同

今事異同

劉氏家訓

劉氏藏書題跋

妙五十一 劉著書目

後通志略

後樂苑

選明人章布詩 以上見徐傳均未見

劉廷鑾所著書

尚書年曆

春秋日曆

遜國之際月表

獻徵錄

九華散錄

九華掌故

梅根集

唐池上詩人八卷

明詩爾雅



詩顛八卷

劉漢系所著書

江左詩集

妙五十一劉著書目

十七

附錄卷第四

貴池二妙集五十一卷終

附錄四劉譜



右貴池二妙集五十一卷世珩謹編次之首吳集二十七卷

次劉集二十卷編列傳記序跋年譜成附錄四卷吳譜當塗

夏曠甫變撰芟繁證譌重為釐訂劉先生無譜為攷訂而增

入之吳曰樓山堂集明崇禎十二年所定曾刻之金陵後張

芑山自烈劉輿父廷鑾吳山賓非合已刻未刻稿重編二十

七卷文二十卷詩七卷順治戊戌刻成李男蛾時為之跋此

本未得見道光戊申涇縣潘文慎公錫恩刻乾坤正氣集載

文集十八卷缺第七卷論第八卷辯九卷作七卷二十卷作

十八卷七卷擬進策十首不載標題八卷兵事策缺策一至

策四兵事策序有會警邸報未確然予以見於南中者意

在南談南也潘本奪此六十五字九卷時務策缺問兵一首

十六卷缺記六首十八卷賦缺所歡賦老娼賦二首咸豐癸

丑南海伍君崇曜刻入粵雅堂第二集海內始觀全書第缺

侯方域序之尾陳名夏序之首一葉劉伯宗謨傳又缺一葉

未曾補足有逢原齋活字本又有十行二十一字刻本亦無

序跋並無齋名皆不知何人所刻觀其紙色當在道咸之間

同治乙丑夏曠甫於江西曾刻樓山遺書憾未得見今年八

月臨桂王佑遐鵬運由都過江甯復去江西為覓得曠甫刻

本知夏氏在同治乙丑刊樓山遺書於永甯官廨合兩朝刻

復錄東林本末熹朝忠節死臣傳留都聞見錄並附年譜逸

事刊之兩朝刻復錄留都聞見錄世珩已編次列入秋浦雙

卒上海而書未竟世珩為足成之可合二妙集中樓山堂集

雙忠錄中之兩朝刻復錄留都聞見錄讀書觀止錄為吳樓

山先生遺書全帙夏君解官歸攜板家當塗卒後書遂不復印板亦

零落世更少傳本光緒庚辰邑人王月卿用賓又刻之今板

尚存邑中公所劉曰嶧桐集崇禎間刻數卷罕傳於世先生

身後長子輿父屬和州戴无忝穆孝真前後稿分為文詩各

妙跋

一

妙跋



十卷吳山寶跋康熙戊午鋟板成歷二百年原板佚更經兵燹流傳無幾藏書家往往求之而不能得家二兄世瑋獲舊

本於坊間光緒癸巳刻成乃得與樓山堂集同播藝林矣然所據本多偽舛詩中卷七又奪二十九三十兩葉已亥春初

蕭敬敷文言六合舊家黃氏有康熙刻本為作書假之以來則脫葉俱在校正互異可為完本又得吳先生一律於留都

聞見錄先生之孫銘道注中夏兼南先生撰逸事一卷從同人集錄吳先生五言律四首之二自茲來京國一首集中已載題作城南舟中同辟疆定生密之朝

應真吾友一首同人集題作南門舟中同辟疆定生密之朝宗諸兄作與集不同且少七女書空上一首寶應一首見留都聞見錄銘道亦石陵注標題為湯薦玄傲舟城南同人集

誤於蔣一个臣無他技堂集得劉先生題後一首均依體增入兩先生著書甚富多就散失吳書傳者尚存數種已次第

刻之惟劉書未刊者聞有兩齋歸邑雞兒巷王氏王為劉氏孫之咸鄰道光初年尚存迨壬辰癸巳之間頻遭水患王氏中落售諸

涇縣趙某趙時官吾郡博也後不知歸何許亦一恨事今所傳者僅此嶧桐集耳亟與吳先生集付鄂工黃岡陶子麟合

刻之校謄補缺精益求精多得江陰繆丈藝風荃孫桐城蕭丈敬敷穆江甯陳伯雨作霖丹徒茅肺山謙同年之力吳書

初刻在順治戊戌潘氏於道光戊申刻之伍氏於咸豐癸丑刻之同治乙丑夏氏又刻之今起戊戌五月斷手於辛丑九

月適逢戊丑之歲殆前緣耶辛丑九月初五日世珩刻集成以書書後

江都梁莢上虞金為重校一通

妙跋



